

بِالْمُنْتَهَى

احمد

# جال منون

اشوال

## سبھے حق لکھاری ہتھ ہتھیکے

کتاب : چال منوئی

شاعر : اشوال

ڈیزائن : ڈن.....فٹو: ملازم حسین

اهتمام : علی راجن پیپلز پبلشنگ

مشینی لکھت : قیر ساحل

(03466119677) مل

: 1000 روپے

: 2021 نومبر پہلا پور

: ندیم شفیق پرنٹنگ پر لیں ..... ملتان چھاپہ خانہ

: علی راجن پرنٹرز ..... لیہ ونڈن ہار

03006760755

0606-411408

## سرنوان

کوئی خوشی ہئی جیہڑی اپنے نال منائی نہیں  
 کوئی غم ہئی جیہڑا دل اپنے تے رکھیا نہیں  
 کوئی تارا ہئی وڈے ویلے دا ایہو تھل اپنا  
 وچوں ٹمک پیا اکھ اپنی دے کہیں تکیا نہیں

**تھل اپنے دے سنگتی**  
**سئیں مظہر نواز لاشاری دی محبت اج**  
**(جیندا اصل ناں ”مزار خان“ اے)**

## مکہ لڑی

### پہلی پچھی

10	شاعر بھانویں آن پڑھ ہے	1
11	اکاں دا گڑا گڑا ویندا گڑا کیھے	2
24	زنگا بھولوں	3
30	ھیرونال بقايا ادھا	4
39	مٹی دے ڈاند	5
41	سردار جو بے وفاها	6
43	بے خلی	7
46	ولد اقدس جہان اگوں	8
47	اجارہ داری	9
48	سہولت کار	10
49	مقدس ڈائری	11
50	Epileptic Zone	12
54	اساں مہذب نی تھی سگدے	13
57	اساں اچھوت چنگے ہیں	14
59	ڈو دوست ڈو شرابی	15
62	دوست شاعر کوں ہک خط	16
64	ہک شرابی دی ڈائی اچوں	17
66	دوست نعیم کلا سرہ سانگے	18
70	ڈریگن آتے میں	19
71	ایمپاٹ مساوی ویمپاٹ	20
72	Raptor-22=52.8 Million Dollars	21
75	کشمیریاں سانگے	22
76	تلوراں دی فریاد	23

78	جنگجو	24
79	طاعون	25
80	Little Boy	26
81	قربانی	27
82	نوح دی پڑی بڈی پئی اے	28
84	سنڌھو دیوتا دی حمدولا	29
87	عام تھی اے دیوتا	30
88	مندی	31
89	عام شے	32
	سوگ پر بھ	
90	نیل کنٹھ سوگ وچ ..... 27 دسمبر - ii ..... چوھاں دی گھوراچ قاتل - iii ..... نیل کنٹھ سوگ وچ	33
95	وفاداری	34
96	نال ہیں شہیداں دے	35

### ڈوجھی پچھی

98	پرائنا کمک ردم	36
102	Enigma Music	37
104	کیف دی شے	38
105	پترے چناراں دے	39
127	سنڌھو دے گیت	40
131	درخماری درخمار	41
132	خیال	42

### تریجھی پچھی

134	ن..... چال منو تی دیاں نظماء	43
136	ii..... موياں دی ارواح	44
165	کنفیو شیکس دی پک نظم اچوں	45
167		

168	جگ درشن کامیلہ	46
169	دلتاں سانگے	47
172	ولد امہا تما گاندھی اگوں	48
173	جنی بی بی	49
174	چے گویرا	50
175	لال پھل	51
176	توں ساڑا افریکہ	52
177	سوگوار یک حاضری	53
178	پریم دی سولی	54
179	مجزہ	55
180	تیماں سانگے	56
181	منوجھ	57
182	من اپنے دی مینھن	58
183	کیا کروں استاد جی	59
184	پریم کوترا	60
185	لکھی زمرد	61
186	وچھوڑا	62
187	اداسی	63
188	چھیکڑی ارواح	64
189	<b>دوستان راهیں کجھ نظمان</b>	65
191	آکروش	66
193	دل آہدے	67
194	ہال دی دل	68
195	رسول پور دی یک شام	69
196	پھلاں بھری چنگیر	70

197	پھاٹک	71
198	ارشادا میں	72
199	صدقہ شاہ عنایت دا	73
200	سانگا	74
201	جاودا نی	75
202	جیالا یک دوست	76
203	نیک دل یک دوست	77
204	پڑھا لکھا یک دوست	78
205	نیل و نیل	79
206	روہی	80
207	پرہ پھٹ پوندی اے	81
208	بے وسی دا کیا کروں	82
209	کچناں	83
210	پانی رنگیاں اکھیں	84
211	دمانی	85
212	سکھ سنبھا	86
213	عزت دی گالھ	87
214	آپ مُہڈے	88
215	الوداعی شام	89
216	گالھیں	90
217	آنھور	91
218	یادو طن دی	92
219	پریم گھٹی	93
220	بینہ نئیں وسدا	94
221	ہنی دی سیر	95

<b>222</b>	دوست چوٹے	<b>96</b>
<b>223</b>	اگوں تاں سمندر رہا	<b>97</b>
<b>224</b>	چوپال	<b>98</b>
<b>225</b>	حچیل سیف الملوك	<b>99</b>
<b>227</b>	درود دادلاسہ	<b>100</b>
<b>228</b>	تریجھی اکھ	<b>101</b>
<b>229</b>	آن اگامی	<b>102</b>
<b>230</b>	پنیال	<b>103</b>
<b>231</b>	مور	<b>104</b>
<b>232</b>	بلبل	<b>105</b>
<b>233</b>	مقتولہ بی بی کیتے بک نظم	<b>106</b>
<b>234</b>	سپیشل پرسن	<b>107</b>
<b>235</b>	حیاتی	<b>108</b>
<b>236</b>	خوشبو	<b>109</b>
<b>237</b>	پینگھر	<b>110</b>
<b>238</b>	چنگی گالھ	<b>111</b>
<b>239</b>	لالہ میر و	<b>112</b>
<b>240</b>	سک	<b>113</b>
<b>241</b>	جنہد میڈی مائی ووچ	<b>114</b>
<b>242</b>	کیہلئی	<b>115</b>
<b>243</b>	غم گسار	<b>116</b>
<b>244</b>	ٹھڈانا موتی	<b>117</b>

پہلی پچھی



شاعر بھانویں ان پڑھ ہے  
 شاعری تاں ان پڑھ نئیں  
 اے تاں کوئی کیف اے  
 نال اپنی بے کیفی دے  
 وجود ہے وجود دا  
 لا وجود مستی اے  
 کھیڑ ہے فقیراں دی  
 جھلیاں دا جھلارا اے  
 دور دی اڈیل اے  
 نال دا اُتھارا اے  
 کنڈیاں اُتے جیویں رقص  
 ہاں اپنے دی ہُو دا

## اکاں دا گڑ گاڑ ویندا ڈیکھے

(اتنی دیراچ ڈھولک وح پئی)

قصہ چھڑپیا

اکاں دا گڑ گاڑ ریڑھ پیا

ویندیں وگدیں

ویندیں وگدیں

بڑھڑی اگوں

کیاڑ ہدی اے

گیاں، بکیاں

اپنے نال سواریاں دے

اوپری کوئی وسوں اے

اوپر اکوئی شاہر اے



اوپرے ایں شاہر دے

او پرے کہیں چوک وچ  
 او پرے کجھ لوک ان  
 خبرے سُتے پین  
 خبرے جا گدین  
 نہ روندن نہ کھلدن  
 (گویا وِ سُم چُکیں)  
 سامنھے او درگاہ اے  
 جتھاں چھڑے مُتو لی ان  
 رَتے ساوے، زعفرانی  
 پٹکے وِ ظیندے  
 اکاں دا گڑ گاڑ وینداڑ کیھے



او پرَا کوئی شاہراے  
 جیندی کوئی لاھرنئیں،  
 جیند اکوئی فقیر نئیں،  
 جیند اکوئی یقین نئیں،  
 جیند اکوئی چین نئیں

جَيْنِدِ اکوئی ویں نئیں،  
 جَيْنِدِی کوئی مونجھ نئیں،  
 جَيْنِدِ اکوئی وچھوڑ انئیں،  
 جَيْنِدِی کوئی محبت نئیں،  
 جَيْنِدِی کوئی نماز نئیں،  
 جَيْنِدِ اکوئی روزہ نئیں،  
 جَيْنِدِ اکوئی حج نئیں  
 جَيْنِدِی کوئی زکات نئیں  
 کجھ وی نئیں  
 کہیں دے پلے کجھ وی نئیں  
 ہر کوئی ہتھوں خالی اے  
 اکاں دا گڑ گاڈ وینداڈ کیچے



اوپر اکوئی شاہر اے  
 شیشے دے گھر ان  
 راہن والا کوئی نئیں  
 شیشے دے مہمان خانے ان

ریشم آتے اطلس دے  
 گدیلے ان  
 پا ہون والا کوئی نہیں  
 کندھ در کندھ  
 ہر ٹال دے سر ان  
 چتل دے سُر خاب ان  
 چندن دیاں مرغابیاں ان  
 ڈیکھن والا کوئی نہیں  
 مٹھائیاں دے تھال در تھال ان  
 کھاؤن والا کوئی نہیں  
 بوتل اے  
 بوتل دے نال کجھ  
 بوتل دے پھل ان  
 چندر چور خابگا ہیں ان  
 آبنوس دیاں مسہریاں ان  
 سمحن والا کوئی نہیں

شیلِف در شیلِف  
 کتاباں ان  
 پڑھن والا کوئی نہیں  
 سونے دے موراں  
 نجھن والا کوئی نہیں  
 آسمانی گیت ان  
 گاؤں والا کوئی نہیں  
 اکاں دا گڑ گاڑ ویندراڑ کیجھے

●

اوپر اکوئی شاھرائے  
 شاھر دا ہجوم اے  
 چینل در چینل  
 ٹی وی ان  
 کوئی پتہ نہیں  
 مشین  
 بندے نال و تھج گئی اے  
 یا بندہ

مشین نال و ٹج گئے  
ہر کوئی اپنے اپنے ٹی وی اگوں،  
اخباراً گوں،  
رسائے اگوں،  
میک اپ اگوں،  
وسما پیٹھے  
کر پشن دی خبر،  
کر کٹ دی خبر،  
فت بال دی خبر،  
جنگ دی خبر،  
خبر در خبر  
خبر ادا دے خیابان ان  
تل وطنی نال بے وطنی دی  
کنگر نال اوندے رچھ دی،  
اوندی گلی دی  
کوئی خبر نہیں

تل وطنی دا پچھانواں

جو یہیں کہیں مندے دا پچھانواں

جو یہیں بے عزتی دا پچھانواں

جو یہیں کہیں تھک دا پچھانواں

پچھانواں در پچھانواں

اوپر اکوئی شہر اے

اندری اندر رویندیاں لا ہندیاں

تریکمیں ان

کہ ڈو جھے کوں ملدیاں نئیں

غم ہووے تاں روندیاں نئیں

خوشی ہووے تاں کھلدياں نئیں

اوپر اکوئی شاہر اے

شاہر دیاں مسیتاں پچھوں،

مندر راں پچھوں،

کلیسا پچھوں،

تقریاں پچھوں،

لیکھر ز پچھوں،  
 کالمال پچھوں،  
 بانگاں پچھوں  
 گھنٹیاں پچھوں،  
 ملاں دی جہنم اے  
 پادری دا عظامے  
 بانھن دے اشلوک ان  
 خبراں ای خبراں ان  
 تل وطنی نال  
 اوندی مٹی دی  
 اوندی عبادت دی،  
 کوئی خبر نہیں  
 تل وطنی دا پچھانواں  
 جیویں پیراں دے ورن دا پچھانواں  
 جیویں ذلت دا پچھانواں  
 پچھانواں در پچھانواں

اوند اگیت در بدر  
 اوندی فریاد در بدر  
 اوندی آہ در بدر  
 اوندی چیک در بدر  
 اوند اقصہ در بدر  
 اوندی کھانی در بدر  
 اوندی شاعری در بدر  
 پوری دی پوری لاحر در بدر  
 پوری در گاہ در بدر  
 پوری کربلا در بدر  
 حسین داغم در بدر  
 مسیت دے لٹھے در بدر  
 شام توں پہلے  
 شام دے جنازے  
 اکاں دا گڑ گاڑ ویند اڑ کیکھے

●

اوپر کوئی شاھرائے

حاکماں ہتھوں  
 اُنھاں دے حکماں ہتھوں  
 عالماں ہتھوں  
 اُنھاں دے علم ہتھوں  
 جرنیلاں ہتھوں  
 انھاں دی بندوخت ہتھوں  
 مفتوح تھیا،  
 ریغمال تھیا  
 اکاں دا گڑ گاڑ وینداڑ کیجھے



اوپر اکوئی شاہراے  
 اوپری کوئی وسوساے  
 شکست خورده  
 بادشاہ ان  
 بادشاہ نال وزیر ان  
 وزیر ان نال مشیر ان  
 اپنے اپنے ہیر وزکوں

اکوی اکوی

تو پاں دیاں سلامیاں ڈیندے

فوٹو چھکویندے

کتاب اچ چھپویندے

(ھاھا.....ھاھا.....ھا.....)

گڑ گاڈے دی ڈھڑدا آلا پیا آوے)

زمین کوں

بٹواری کھا گیا

ندہب کوں ملاں کھا گیا

حکماں کوں

حاکم کھا گیا

تھل کوں نہر کھا گئی

جنگل کوں

فاریسٹ افسر کھا گیا

صحت کوں

ڈاکٹر کھا گیا

ہر نیاں کوں  
 محفوظ کھا گیا  
 تعلیم کوں  
 اُستاد کھا گیا  
 قانون کوں  
 حج کھا گیا  
 دفتر کوں  
 دفتر دا لکر کھا گیا  
 کوئی پتہ نہیں  
 افسر کوں محکمہ کھا گیا  
 یا محکمے کوں افسر  
 مطلب تھیا  
 (لوڑھا اپنی وہی کوں کھا گیا)  
 اکاں دا گڑ گاڈ ویند اڈ کیجھے



اوپر اکوئی شاہرائے  
 اوپری کوئی وسوں اے

وجوگ دروجوگ

کلھا بندہ

نہ کوئی سنگت

نہ کوئی سانجھ

نہ کوئی دائرہ

نہ کوئی دری

نال دا گھروی

نال دے گھرتوں

بے خبر

نمبراں در نمبراں پچھوں

چھڑا لائقی

مطمئن اُداسی توں

لامطمئن اُداسی تیئیں

اے تاں ساڑھی وسوں نئیں

اے تاں ساڑھا شاھر نئیں

اکاں دا گڑ گاڑ ویندراڑ کیھے

## ننگا بھولوں

اساں جو

تیڈیاں نشانیاں وچوں

چھکیرٹی نشانیاں ہاسے

ٹھیکریاں تے رہ گئے

یاخداوند!

ساکوں ساؤڈیاں ٹھیکریاں ولاؤ دے

ساکوں ساؤڈیاں نشانیاں ولاؤ دے

ساکوں ساؤڈ انگا بھولوں ولاؤ دے



اساں جو

باز ہاسے

☆..... اے نظم لکھن داخیال میکوں "ڈسمند مورس دی کتاب" Naked Ape "پڑھ کے آیا

وڈے اپنے کھمبائی ہتھوں،  
لبی اپنی اڈ اری ہتھوں،  
تیز اپنی ہوادے ہتھوں  
مارے گئے ہیں  
یا خداوند!

ساکوں ساڑے کھمب و لادے  
ساکوں ساڑی ہوا و لادے  
ساکوں ساڑ انگا بھولوں و لادے



اساں جو  
ڈب کھڑبے گھوڑے ہاسے  
جہاں دی کندتے  
لبیاں لمبیاں جاداں  
ساڑی لغام بنیاں  
یا خداوند!

ساکوں ساڑی لغام و لادے  
ساکوں ساڑے

ڈب کھڑبے گھوڑے والاڑے  
ساکوں ساڑ انگا بھولوں والاڑے



اساں جو  
چوڑ گنڈے ہاں سے  
کالے اپنے رنگ و چوں  
رَتے اپنے ماس و چوں  
اپنی چوڑ گنڈی ہتھوں مارے گئے  
یا خداوند!

ساکوں ساڑی چوڑ گنڈی والاڑے  
ساکوں ساڑ ارنگ والاڑے  
ساکوں ساڑ انگا بھولوں والاڑے



اساں جو  
کنگر ہاں سے  
کالے اپنے ریچہ دے پیر  
آدم نال وٹا کے

اپنے اپنے پیراں ہتھوں مارے گئے  
یا خداوند!

ساکوں ساڑے اپنے چھوٹے لادے  
”ساکوں ساڑے پیرولادے“  
ساکوں ساڑے انگا بھولوں والا دے



اساں جو  
ناہر ہا سے  
کھڑا نویں کناں تے  
رَتیاں اپنی اکھیں نال  
لشم پوشاکاں ویڑھ کے  
اپنے کناں ہتھوں  
ریشم ہتھوں مارے گئے  
یا خداوند!

ساکوں ساڑے کن والا دے  
ساکوں ساڑے یاں اکھیں والا دے  
ساکوں ساڑے ریشم والا دے

☆..... سنگتی ارشاد تو نسوی دا یک مصروع

ساکوں ساڑھے انگا بھولوں والاڑے



اساں جو

ہند ہے

سندھ ہے

تو تے اندر

دیہہ دی جنڈ ہے

اساں جو

ایران ہے

حیران ہے

”حافظ شیرازی“ دی قبرتے

اپنے ناں دا آدھاویٹ کے

شرابی تھئے

یا خداوند!

ساکوں ساڑھی شراب والاڑے

ساکوں ساڑھی ”گوگوش“ والاڑے

ساکوں ساڑھے انگا بھولوں والاڑے



وڈے وڈے نگاریاں تے  
 نکی اپنی ڈھڈھنال  
 اسماں جو فقیر تھے  
 کپڑیاں پچھوں، کپڑے پاکے  
 ننگے تھے  
 ! یا خداوند!  
 ساکوں ساڑا انگلیج والاڑے  
 ساکوں ساڑا انگا بھولوں والاڑے

## هیرو نال بقايا ادھا.....

(i)

آدم نال حوا  
 حوانال کنگ  
 کنگ نال پلوتا  
 پلوتے نال بے خلی  
 بے خلی نال قبضہ  
 قبضے نال بادشاہی

بادشاہ نال سپاہی  
 کوئی پتہ نہیں  
 ھیرونال بادشاہ  
 کہ بادشاہ نال ھیرو  
 (بے شک ھیرو دارزمیہ چھڑے تمدن دی  
 اُساری دارزمیہ اے  
 ایں رز میے اگوں  
 تہذیب داسوال کتوں شروع کرتبے)

(ii)

ھیرونال ایندراز میہ  
 کا لے علم دارزمیہ  
 حق سچ کوں  
 اپنی زوروری اچوں طے کریندے  
 آریا وال دے ایں رز میے اندر  
 ”شو مہاراج“ تاں  
 واشک نانگ وانگوں

چھڑا اپنے نچے کھاونا اے

ایں رز میے دی

بھانویں جوبے پناہ خدمات ان

پر ایں رز میے توں

ہمیشہ ہک غلطی تھی اے

”بائبل“ اتے ”ملواز“ کوں

نال نال رکھن دی غلطی

رگ وید و انگوں

جیرھی تہذیب کوں نئیں

ھیرو کوں جوان کریندی اے

(iii)

آپا لود را آپا لو

دیوتا در دیوتا

کام در کام

جنگ در جنگ

سازش در سازش

کا وڑ در کا وڑ  
 کرو دھدر کرو دھ  
 جسم در جسم  
 ننگی اپنی جسمت اگوں  
 ساکوں نئیں پتہ  
 ہیرونال بقايا ادھا  
 کون اے

(iv)

ہیرونال ھاتھی ان  
 ہیرونال ”بیوسی فالس“<sup>☆</sup> اے  
 نال ھوادے رقص کر بندیاں  
 گز گز لمبیاں جاداں چیندیاں  
 سُمبحاں نال چنگاریاں چیندیاں

ہیرونال

ٹوپیاں ان، وردیاں ان  
 ٹینک ان، بکتر بند ان

☆ ..... ”بیوسی فالس“..... سکندر دے گھوڑے داناں

جھنڈے ہن  
 ترانے ہن  
 ھیرونال سمندر اے  
 سمندر دیاں بلا کمیں ان  
 ھیرونال بھاء اے  
 بھاء دیاں بلا کمیں ان  
 ھیرونال ہوا اے  
 ہوا دیاں بلا کمیں ان  
 بلا کمیں در بلا کمیں  
 ھیرونال  
 وڈے وڈے ابو ہول ان  
 کریناں ان  
 بلڈوزر ان  
 ھیرونال دیویاں ان  
 دیوتا ان  
 اُنھاں دے حراثی وارث ان

ھیرونال باروداے

آتش فشاں ان

زلزلے ان

ھیرونال

جل پریاں ان

نر تکیاں ان

ھیرونال

اسماں اے

اسماں دیاں رضامندیاں ان

ھیرونال قبضہ اے

فتح مندیاں ان

ھیرونال

تقدیریاے

دعا میں ان

ھیرونال دیہہ ان

بہول دریہہ ان

ھیروناں

بدبخت تاریخ اے

تاریخ دیاں بود کیاں ان

ساکوں نئیں پتہ

ھیروناں

ایندابقا یاً ادھا

کون اے

(v)

گھوڑا اور گھوڑا

لانگ والا کے

پاسے نال تلوار سجا

چھپی فٹ لمبا نیز اچا کے

ھیروناں

”غلا بی انگلیں آلی سویل پئی اُبھر دی اے“

ھومر بھائی

چوک در چوک

”پتل دے شاہ سوار“<sup>☆</sup>

پتل دیاں بانہیں

پتل دے ہتھ

پتل دیاں جنگھاں

چھو دھاروں کوئی پتل ای پتل

پوشکن پیارے



نطشے بھائی

ہر کویس دی قبرتوں وال کے

ھیر و تیڈے

سماڑی گردن آن لہائی اے

ھیر و آیا

ٹھاہ، ٹھاہ

واہ، واہ

ھیر و آیاد یوتا جایا

نا نگیں آپ کھڈا ایا

.....☆ الیگزینڈر پوشکن دی نظم ”پتل داشاہ سوار“ پیڑا عظم دے اعزاز اج

سُتھلاں پیٹھاے  
 لو ہے دا اُڈ نا گھوڑا  
 ہتھ لغام قضادی  
 ” گھوڑا ووئے ”  
 ” دھاڑ ووئے ”  
 ” لور ھو ووئے ”  
 (سادِی جو مجال اے)  
 سا کوں نئیں پتہ  
 ھیرونال بقا یا ادھا اڑ دھا اے  
 کون اے  
 ” ھیرونال بقا یا ادھا اڑ دھا اے ” ☆  
 جیند اخاتمہ  
 صرف مقدس بھوت کر سگدے

●

☆.....☆ ” ھیرونال بقا یا ادھا اڑ دھا اے ” ..... کارل ٹرنگ

## مٹی دے ڈاند

بھانویں جو آہدن  
 سنگھاں وِ چوں  
 سمجھ ابھارداویلا  
 اپنی تراڑ پچھانویں  
 جاگ پیا ہے  
 سالھ سفیل توں اُڑ پئے ہن  
 ول ڈاند مٹی دے  
 شیشہ شیشہ چلکدے آون  
 مئھے متھیلین  
 گل اچ گانیاں  
 سنگھ سنگھالیاں  
 ھل پنجالیاں

گھُمٹاں پچھوں  
 جھاٹھراں پچھوں  
 جھالراں پچھوں  
 رقص کریندے میلے، میل و ساکھیاں  
 دھرتی و چوں  
 کھڑاں دی برکت پُھٹ پوندی اے  
 دول اُتے سر مار کے اپنا  
 جوگ جھریندی اے  
 بھانویں جواہد.....  
 سچ تاں اے ہے  
 کھوہ نئیں و گدا  
 گاڈھی اُتے  
 بُٹاں والی رات اچاں وی  
 سُتی پی اے  
 ڈاند بناون والے سُدھنیں  
 ہن تھ کن گئے ہن

## سردار جوبے وفاہا

اسماں توں  
 نیلے نیلے پرال آ لے  
 گھوڑے پئے لاہنداں  
 سنجھ در سنجھ  
 پاسے نال سنجھیاں تلواریں  
 اتے پیٹھ زمین تے  
 ادھ پچھد یاں جفتیاں کھاندے  
 ڈاند مونجوداڑو دے  
 کسن سانگے ہرویے تیار  
 سُدھ نئیں ساکوں  
 بھوئیں بھٹیاں دی  
 کتھوں ستھ کریندے  
 سردار جوبے وفاہا  
 وٹ کھیں جنگ اچ  
 عرشاں دے تاک لٹھے

کوتی، گُتاڑ وہیں مارے گئے  
 اوتاں گھوڑیاں توں پئے لاہندے ہن  
 سرمیاں چُپ چاء ویرٹھی  
 اپنی نکو نہی کاواڑا ج  
 اسماں اسماں چریندے ڈٹھے  
 زمین کنبدی ڈٹھی  
 ساڑا جیویں  
 اپنی پُچھتے پیر آگیا حا  
 اکھیں والیں  
 ساڑے سنگھاچ  
 پکیاں تے لوں بُنیا  
 سُدھنئیں  
 پتیم زمیناں دی،  
 زمیناں تے قبضے دی  
 کتھوں سترھ کریندے  
 سردار جو بے وفا حا



## بے دخلی

اس ا جو بھانویں  
 پیغمبر ا والے نہ ہاسے  
 ول وی اس ا  
 اندر وں اپنے چاندے ہاسے  
 کہیں دی جوؤہ تے  
 کہیں دی جاہ تے  
 کہیں دے دریا تے  
 کہیں دے صحراء تے  
 کہیں دے پہاڑتے  
 کہیں دے اجڑتے  
 کہیں دی ذال تے  
 کہیں دی زمین تے  
 قبضہ کرن  
 گناہ دی گالھاے

بھانویں جوز میں  
اللہ دی ای کیوں نہ ہو وے

ii

اساں بھانویں جو  
پیغمبر اے آئے نہ ہاسے  
وت وی اساں  
ھاں اپنے دے سو جھلے و چوں  
جائندے ہاسے  
اساں کا لے کو جھے  
کھوتے دی بو تھی آئے  
جتنا مے دی بو تھی آئے  
منجھیں دی عقل آئے  
تل وطنی  
کٹے و انگوں  
اے جان دے ہا سے  
ساڑا کم ہے  
اپنے کن ہلیندے را ہون  
بھٹ توں پا ہر آ  
پشوپتی مہاراج  
ڈیکھتاں ہی

تیڈے تل وطنی  
اپنے وطن ہتھوں مارے اگئین

iii

اساں بھانویں جو  
پیغمبر اس آلنے ہا سے  
وت وی اساں  
وچوں اپنے جاندے ہا سے  
یتلى دا یک پر بناؤں اچ  
یک ادھ کہکشاں نئیں  
ڈوڑتے سمجھ نئیں  
پنج ست چند رنئیں  
نال صرف زمین نئیں  
مٹی نئیں  
دریا نئیں  
ہوا نئیں  
پوری دی پوری کائنات حصہ گھنندی اے  
جیوندے اگوں یتلى دے پر جتنی  
بے دخلی وی گناہ دی گالھاے

## ولدا مقدس جهان اکگوں

دنیا اج وی نہیں ولی  
 بندہ اج وی نہیں وظیا  
 وڈے اپنے ڈھڈ نال  
 اج وی انویں پنڈت ہے  
 ٹھلہ اپنی گردن نال  
 اج وی انویں ملاں ہے  
 اج وی انویں برہمن ہے  
 برہمن دے اوراق وی مقدس ہن  
 برہمن دے افلاک وی مقدس ہن  
 برہمن دا باشاہ مقدس ہے  
 باشاہ دی فوج نال مقدس ہے  
 بندے توں علاوہ ہر شے  
 بندے نال مقدس ہے  
 اے مقدس دیوتا  
 ساڑے کن کیوں  
 شورتاں سن سگدے ہن  
 اللہ دا الہام کیوں نہیں سن سگدے

## اجارہ داری

اصل اہدن بک شے ہے  
 اصل دی اجارہ داری  
 ہی شے ہے  
 نسل اہدن بک شے ہے  
 نسل دی اجارہ داری  
 ہی شے ہے  
 علم اہدن بک شے ہے  
 علم دی اجارہ داری  
 ہی شے ہے  
 دولت اہدن بک شے ہے  
 دولت دی اجارہ دی  
 ہی شے ہے  
 ہی شے کیوں بک شے ہو وے  
 نال اپنے  
 ڈھولک اُتے  
 کھول کے نچوں وال اپنے

## سهولت کار

دھشت دا وحشت دا  
 جنگ دا جنون دا  
 اسلحہ دے انبار دا  
 نشے دے کاروبار دا  
 وحشی طالبان دا  
 کوڑے بیمان دا  
 کون سہولت کاراے  
 جان گئے ہوتاں وی  
 جان گئے ہیں اسماں وی

## مقدس ڈائری

پہلا صفحہ ..... بد دعا  
 اللہ کرے دشمن دی جنگھ ترٹ پوے  
 ڈ وجھا صفحہ ..... بد دعا  
 اللہ کرے دشمن دی گاں مر پوے  
 تربیجھا صفحہ ..... بد دعا  
 اللہ کرے دشمن آپ مر پوے  
 (کون اہدے اللہ والے)  
 بد دعا میں نئیں ڈیندے)

## **EPILEPTIC ZONE**

اسماناں تیئیں بُرْج،

بُرْجاں دے بھئی وال

مِراق ماری،

دُنیا ساری،

تمدن دے جلوے

تمدن دی اُساري

تمدن دی جیرانی

سو نے دے وچھے

سو نے دیاں وچھیاں

نکڑے جہیں دماغ نال

پھوں وڈا اک فنور

تیز رفتاری

بیماری

بلڈ پریشر

لقوہ

ادھڑنگ

بے سکونی،

بے خابی،

ٹرونکولا ائزرز،

اچوی،

انشتار،

فشار،

ترشنا،

ترشنا،

هُورُو،

هُورُو،

بھاء،

تڑپھاء،

چپلا،

بے زاری،  
نمطمین اُداسی

انت پروں دے اندیشے

اُخبارے

مرگی

مرگی نال

بکلی دے جھٹکے

مليا ہويا ھاں،

ماں دی بو،

متلی،

اُلٹی،

طاعون،

وباء،

کینسر،

بے شک اہدن

سوہل تاراللہ گئے

لو ہے دی مُٹھاچ

آتاں سگدے

فتح نئیں تھیں دا

علم دی،

طاقت دی،

عقیدے دی،

اجارہ داری نال

چچھوں کلیساے

اگوں پا گل خانہ اے



## اساں مہذب نئیں تھی سگدے

بھانویں ہندوائے،  
 بھانویں مسلمان اے،  
 بھانویں عیسائی اے،  
 بھانویں سیکھ اے،  
 بھانویں مذہبی اے  
 بھانویں لامذہبی اے  
 بندوخ کوں پھلاں دے ہار  
 نئیں پوائے ونج سگدے  
 بندوخ بندی اے تاں  
 بندے مریندی اے  
 نہ ہی کہیں کالے بندے دے خلاف  
 نظم لکھی ونج سگدی اے



جے تیں ملک ان  
 ملکاں نال سرحداں ان  
 سرحداں نال فوج اے

فوج نال بندو خاے  
 جے تیئِ دنیا وچ  
 کوئی مک وی ماء  
 اپنے پال کوں  
 فوج اچ بھرتی کرویندی اے  
 جے تیئِ بھر پور حملہ اے  
 جے تیئِ بھر پور جوابی کارروائی اے  
 اساں مہذب نہیں تھی سگدے  
 جے تیئِ کوئی دشمن اے  
 دشمن داعلائقہ اے  
 جے تیئِ نال اسلحہ اے  
 اسلحہ دے انبار ان  
 جے تیئِ نال تماخواے  
 تماخودا کاروبار اے  
 اسماں مہذب نہیں تھی سگدے  
 اسماں تیئِ برجاں نال

چھڑا تمدن دی اُساري  
 آپ دا آپ دفاع کریندی  
 پا گل دنیا ..... دُنیانال  
 جے تیئِ گھن گرج اے  
 جے تیئِ ”جھپٹنا“، ”پلٹنا“  
 ”پلٹ کے جھپٹنا“ اے  
 جے تیئِ ”چیتے کا جگر“ اے  
 ”شاہیں کا تجسس“ اے  
 جے تیئِ ”بحرذ خار“ اے  
 ”بحرذ خار“ نال گھوڑے ان  
 جنت اپنی فتح کریندے  
 نیل کے ساحل سے لے کرتا بخاک کا شغیر“  
 ظل سبحان ان  
 فاتح ان  
 اسا مسلمان تاں تھی سگدے ہیں  
 مہذب نئیں تھی سگدے



## اساں اچھوت چنگے ہیں

پنج ہزار تے نو سال توں  
 ساڑی جو وی گست بُنی ہے  
 پس آگئی ہے  
 اساں خوش ہیں  
 روہ کوں جے کوئی ڈھون دھاندے  
 ڈھون ڈھون ونجے  
 پنج تھیوے  
 روہ وی جے اچھوت ہوندا  
 پنج پوندا

دریا جے کوئی پیون چاہندے  
 پی گھنے  
 پھٹھیوے  
 دریا جے اچھوت ہوندا  
 پچ پوندا  
 جنگل جے کوئی کپن چاہندے  
 کپ گھنے  
 پھٹھیوے  
 جنگل جے اچھوت ہوندا  
 پچ پوندا  
 ساڑے تے کوئی ترس نہ کھاوے  
 پھٹھیوے  
 اسال اچھوت چنگے ہیں

## ڏو دوست.....ڏو شرابی

(ڏو شرابی.....ڏو دوست ڪ ڏو جھے دو

مونهه کر کے مغموم تھئے پڻ

دُوروں جیوں

الا پیا آندا ہوے

مُرلی دی جاہ بندو خ

گھن گھدی اے

میوزک دی،

شاعری دی،

قصے دی،  
 کہانی دی،  
 کیف دی،  
 ایں ملک کوں  
 ضرورت ای نئیں رہا گئی  
 ایکوں صرف شراب دی ضرورت اے  
 جیڑھی ملدی نئیں  
 اچھا یار چھوڑ  
 توں پیگ بنا  
 تینڈا کیا  
 کہیں دی سوڑی اے  
 کہیں دی موکلی اے  
 دنیادی مرضی  
 دنیا جیویں ہووے پی  
 ”اساں چھڑا آؤٹ تھی کے  
 تاریخ دا قرض نئیں لہا سگدے“

وڈے ویلے تیئ

و شرابی، ..... و فقیر اللہ دے

پیندے پیٹھن

اچھا ہک گالھتاں ڈسا

اے شاعری تتلی دا

پچھا نواں نہیں ہوندی؟

و جھا شرابی والا بولیا

”وت ڈ کیجھ ..... شرو پیا تھیندے

“..... ماء

آتے آنت ڈ نہیں

اے آکھ کے اُلجھا پاہندن

”ڈ اوں و ڈیگال

ڈ اوں و دام پیریل ازم“

اتے اپنیاں جتنیاں اچ

سمھ پوندن



## دوست شاعر کوں هک خط

گله غمازی  
 اٹکل بازی  
 نونہہ نہوندراں  
 چھت پچھوندراں  
 گرو گھنٹا لے  
 ہہمناں والے  
 چھند چھانکاں  
 تول، ترازوں  
 جنتر منتر

ہڈے شدے  
 لوہا لاؤ  
 چند رگاؤ  
 دارے دریاں  
 پنڈت بھوپے  
 سنڈن ٹوپے  
 چھوڑ فقیرا  
 اس یک کافی  
 پریم دی بھکتی  
 شاعرنہ بن  
 شاعری کر

## ھک شرابی دی ڈائئری اچوں

(ا) ڈھیر ڈھیر شراب نوشی

پچھلا دروازہ

پورے دا پورا

کھول کھڑیندی اے

اتے سبھ کاٹھ کپاڑ

نوال تھی ویندے

بنال کھیں کوڑ دے

بنال کھیں سچ دے

پُرانی کھیں جاہتے

نویں یک جہان نال

ملاقات تھیندی اے

جیندے تہہ خانے اچوں

کئی معجزات طلوں تھیندن

اتے صبح توں پہلے پہلے

غروب تھی ویندن

(ii) تھوڑی تھوڑی شراب نوشی

پچھلا دروازہ  
اُدھا کھلیندی اے  
اتے کہیں جھات پچھوں  
سچ اتے گورڈی کہانی کوں  
آسانی نال لبھ گھندی اے  
جیکوں کوئی خاب،

کوئی تھکیردا  
زیر نہیں کر سگدا

(iii) شراب نوشی ممنوع

شراب نوشی وچ  
کہ ویلا اینجھاوی آندے  
جھٹاں پچھلا دروازہ  
کوئی نہیں کھلیندا  
اتے بندہ پا گل تھی ویندے



**دوست ڈاکٹر نعیم کلاس راسانگے**

**(i) ..... تسلی**

**مزاتاں مک**

**الہامی شئے ھے**

**ایکوں اپنے من دے نال وسا**

**مزے دامرا گھن**

**بدمزانہ تھی**

**ڈیکھتاں ہی**

تسلی نال پچھانواں  
 پتہ نئیں  
 کنوں اڑ دا آندے  
 پتہ نئیں  
 کنٹے اڑ داویندے  
 پُھل دیاں جیکر اکھیں ہوندیاں  
 خود اڑ کے ..... اوتسلی نال پچھانواں بندرا  
 مزے دی جاہ وی ..... تسلی  
 پُھل دی جاہ وی ..... تسلی

### علم دا المیہ (ii)

عدن دا باغ

مزادر مزا ..... وَرْمَزَا

مزے دے جہاں

ڈدھ دیاں نہراں،

ماکھی دے مانھے

بُجھی در بُجھی ڈنبے

حُور در حُور

شراب در شراب

(کتاب اچ جنت شودی اینویں لکھی پئی اے)

اے دوست ایں مزے کوں

وَلَا لَكُمْ

فاقہ در فاقہ ..... لکھ

فانی در فانی ..... لکھ

تانگھ در تانگھ ..... لکھ

محبت در محبت ..... لکھ

وچھوڑا در وچھوڑا ..... لکھ

الہام در الہام ..... لکھ

حیاتی در حیاتی ..... لکھ

ایکوں والا والا ..... لکھ

اے دوست

کہ ڈینھ آسی

تل وطنی اے جان ویسن

علم ہک  
عظیم الشان دھوکہ اے



..... جندروی کھول (iii)

کوئی تاں  
انھاں کوں پڑھوی گھنسی

کوئی تاں  
انھاں کوں سمجھوی گھنسی

الماری وچ بندریہاں تاں

گم تھی ویس  
گم تھیون توں پہلے پہلے

یار کلاسرا

جندروی کھول

کتاباں تیڈے لے پیو دیاں نئیں



## ڈریگن آتے میں

میں جو سوچاں  
 اُنویں سُچیندے  
 میں جو سُناں  
 اُنویں سُندے  
 میں جو دیکھاں  
 اُنویں دُہدے  
 کاش  
 مئیں میں کریندی  
 میڈی میں  
 ڈریگن توں ودھ  
 میڈی وفادار ہوندی  
 (ڈریگن: نہ دے گئے داناں)

.....☆ ڈریگن: نہ دے گئے داناں)

## ایمپائر مساوی و یمپائر

اتنا خون  
 جلم شودی نہیں پیندی  
 اتنا خون  
 پچھر شودے نہیں پیندے،  
 اتنا خون مچھر شودے نہیں پیندے  
 جتنا خون  
 تمدن دی حیرانی پیندی اے  
 سامری دے وچھے پیندان  
 جادو گردیاں و چھیاں پیندان  
 جتنا خون سا ہو کاری پیندی اے  
 جنگجو پیندان  
 جنگ پیندی اے  
 سامری دا سامراج پیندے  
 تخت پیندے تاج پیندے

## Raptor-22=52.8 Million Dollars

ہنس اچاں چھوٹا ہے  
 مٹی دے ڈاند نہیں کھیڈ دا  
 پلاسٹک دے کھڑوٹے کھیڈ دے  
 اوندے کھڑوںیاں اچ  
 جہاز ای جہاز ان  
 اے ایف 16،  
 اے جمبو جیٹ ..... کن کارڈ  
 اوکوبرا ہیلی کا پڑ  
 ابوابو میں وی پائکٹ بنساں  
 میں وی جہاز اڈیساں

شوں.....ل.....ل  
 نئیں ہنسا  
 اے کھڑوٹے اصلی ہوون تاں  
 ہوا اچ پھٹ ویندناں  
 ہنسا وانگوں  
 نئیں اڈ سنگدے  
 نچنت، بے آواز،  
 محور پرواز  
 ہس ماشاء اللہ  
 ہن پندویں سال اچ اے  
 میں اوکوں پائکلٹ بناؤں چاہنداءں  
 تاں اوآدھے بابا تھا کوں پتہ اے  
 کھڑو پڑوی کیا قیمت ہو سی  
 نئیں پتہ ابو  
 پنج ارب روپے پاکستانی  
 جیویں جیویں ہس وڈا تھیند اویندے  
 میدا علم گھٹد اویندے  
 میکوں سمجھ نئیں آندی  
 دل اہدے رپڑدا ترجمہ  
 ”شاہین“ کراں

پرشاہین دا ترجمہ اپنی زبان  
 اچ کیا کراں  
 پنج ارب انسان دے وسائل  
 اتنا عظیم الشان ذیان  
 بابا اتنے زیان نال  
 پورے ساڑھے ملک دی  
 ہو اضاف تھی سگدی اے  
 دریا صاف تھی سگدن  
 بابا صاف گالھاے  
 میں پائلٹ نئیں بن چاہندیا  
 میں تھاڑھے واگوں بے وقوف نمی  
 میں اپنے بالاں کوں  
 مٹی دے کھڈونے ڈیساں  
 بوآ سکینہ کوں آ کھئے  
 بناؤ لیسی

## کشمیر یاں سانگے

کیا آکھوں جو  
 ہر بندے دے ملک دانقشہ  
 اوندے تن تے ہوندے  
 کاغذ اتے ڈیکھ لکھراں  
 نقشے کوں بہہ روندے ہیں  
 ملک اساؤ اجنت ہئی  
 ادھوچ اچکل دوزخ ہے  
 جنت دے ہسن ڈونہیں پاسوں  
 فوجی سیر کریندے ہیں  
 ساکوں اہدن خطرہ ہے

## تلوار ان دا فریاد

ٹھڈ ہے موسم چھوڑ کے دُوروں

اساں نبھائیاں

تھل اپنے وچ آن لعھیاں

ایہ سوچ کے

نچے اپنے پھرے کر کے

پکیاں چر کے

پچھاں وطنیں وال ویسیوں

ساکوں عربی شاہزادے

پچھاں و نجف ڈیندے نئیں

ٹروں تاں اگوں

گاریاں اڈ کھڑیندے ہن

اڈوں تاں آؤترے

بازچھوڑ ڈیندے ہن

ول ول احمد ن

سادِ مے ماس اچ

وڈی شہوت اے

ساکوں نئیں پتہ

اللہ سامیں سوھنائ

ایہو ڈ ساچاء

اے شہوت

کیا شے ہوندی اے



## جنگجو

بھانویں ہوون پڑھے  
 بھانویں کالے ہوون  
 بھانویں مذہبی ہوون  
 بھانویں لا مذہبی ہوون  
 بھانویں پڑھے ہوون  
 بھانویں ان پڑھے ہوون  
 بھانویں ترھے ہوون  
 بھانویں آن ترھے ہوون  
 جنگجو سارے ہکوں جھیں ہوندن



## طاعون

کجھ لوک چو ہے دی پوجانال  
 طاعون دا مقابلہ کریند ان  
 کجھ لوک چو ہے کوں مار کے  
 طاعون دا مقابلہ کریند ان  
 انت ڈوہیں مرویند ان



## Little Boy

پنچ سوٽ پاگل  
 پاگلاں دے ہتھ  
 ایمی اُسترا  
 باقی ساری  
 سر اپنے توں گنجی دنیا  
 پیٹھی کنگھیاں ڈیوے



..... پہلا ایم بم جیند انال Little Boy رکھیا گیا ☆

## قربانی

چنگیز،  
 ہلاکو،  
 تیمور،  
 غزنوی،  
 ہٹلر،  
 سالمن،  
 سب پڑھے لکھے لوک ہن  
 آن پڑھتاں  
 صرف مخلوق خدادی ہے  
 گُسن سانگے  
 ہرو یلے تیار



## نوح دی بیڑی بُڈدی پئی اے

آنت کھاون پیون دا

سامان مگیا

پکھی پرندے،

جور جناور،

آپت اچ الجھ پے

نوخ پریشان

سمندر کلڈاں لاہسی

اوں پہلے کاں کوں اُڈا یا

وَنچ بھائی وَسوں دی خبر گھن آ

کئی ہفتے لنگھ گئے

کاں واپس نہ ولیا

نوخ گھاٹھی کوں بھیجا

وَنچ بھائی وَسوں دی خبر گھن آ

گھاٹھی مک ڈینھول آندی ھے

وَسُولٌ مُّرْشِدٌ

اَنْهِدْ اَهْ كُوْهْ دَيْ وِتْهَ هَےْ سَارِي

وَسُولٌ انْدَرٌ

كَاْ حِرامِيْ كَرْ كَدَےْ پِيشْهَ

”نوْحَ دَيْ پِيرْطَهِ بَذْ دَيْ پَيْ هَےْ

كَهْبِينْ نَهْبِينْ بَچْنَا.....مِيكَوْ اَهْدَےْ

تَوْ وَيْ گَهْلَهْصِيْ

چُخْ اَپْنِي وَجْ

زَيْتُونَ دَيْ پَتِيْ پَاْكَ

كِهْ فُوْلُوْ چَهْلَوَاْ گَهْنَ

كَنْدَهَاهُ أَتَيْ

فُوْلُوْ تِيدِا

لَكِيَارَاهَسِيْ

پُهْلَلَ چَرْهَاوَنَ وَالَّهَ آسَنَ

تَيْكَوْ آنَ سَلَوَتَ مَرِيسِنَ

نوْحَ دَيْ پِيرْطَهِ بَذْ دَيْ پَيْ هَےْ



## سِند هو دیوتا دی حمد و لَا

دیوپتا اپنی نندرا چوں جا گیا  
 تاں اول ڈٹھیا  
 او زمین تے الف نگا ستا پے  
 نال او ندی کھٹ تے  
 کنکاں دے پُلو تے سُست پئیں  
 نہ کانہہ، نہ کوندر، نہ لئی، نہ سر  
 نہ کنڈ کھڑ بیندیاں بھیں  
 اول راہ ویندے ٻک چھیر و توں پچھیا

ڈس میاں چھپڑو  
 میدا بس کن گئے  
 میدا ساول کن گئی اے  
 میدا ابیلا کن گئے  
 میدا رستے کن گئین  
 گلی گلی، در درا گوں  
 پا گل کتے وانگوں  
 پچھدا و دا  
 کیا کراں، کنٹے ونجاں  
 تر جام، تر جام، تر جام  
 خلقہت واسطے ڈتے  
 اپنے معصوم کنڈاں دے واسطے  
 کالیاں گھپ لیا ٹیں دے واسطے  
 منجھیں دے واسطے  
 بھل دیوتا  
 واسطے کتحاں منیند ان

تم رم تم رم  
ڈھنڈیں ڈھورے  
پانی ای پانی  
نال اپنے چو دھاروں

نہ ہتھ

نہ پیگر  
نہ اکھیں  
نہ گن  
دیوتا کتھاں سندن  
دیوتا کتھاں ڈسدن  
اے فانی انسان  
دیوتا دی عزت کر  
دیوتا

یاتاں ستے راہنداں  
یاوت ساڑی غفلت دا  
انتظار کرینداں



## عام تھی اے دیوتا

(کیڑھی گالھ پٹھا سُچندا ہم  
ہنئیں ہنئیں بھل گئی اے)

جو یاداے  
اوکوں والا والا یاد کر  
دل اپنے کوں  
پھلاں نال آباد کر  
جیون تاں ہک  
عارضی بسیرا ہے  
عارضی بسیرے کوں  
کہیں ڈینخ لآباد کر  
عام تھی اے دیوتا



## نندی

اسماں  
 وچھے دے کنال آلے،  
 گٹے دے کنال آلے،  
 تل وطنی  
 ہن اے جان گئے ہیں  
 دیوتا ہوون دی خاہش  
 حملہ آور دی تلوار اچوں  
 وڈی تھی اے  
 سادا کم اے  
 اپنے گن ہلیندے را ہوں



## عام شے

بھاء کوں چوری کرن والا  
 بے شک دیوتا وال داسزاوار ہوئی  
 "آئین سٹائن" وانگوں  
 جیس خدادار از  
 ادنی انسان کوں سونپ ڈتے  
 جیندے نور دی طاقت کوں  
 اس اجیہاں ادنی انسان  
 نئیں سن بھال سگدا  
 ایکوں سن بھالن سانگے  
 گوتم پدھ داسر پر درکاراے  
 جیرھا بلکل عام شے نئیں



## سوگ پربھ

(بی بی شہید بے نظیر بھٹو  
دے اعزاز)

(i)

27 دسمبر

کوئی پتہ نہیں

کیندے جائے ہیں

کیندی تھگ ہیں

ساکوں تاں ہس اتنا علم اے

سادِی تھگ ہن ایں دنیا وچ

کلھی پی اے

کلمھیاں نانویں  
 جنیں وی ساڑھی سیندھ سیندھوری  
 آن ونجائی اے  
 جسیں وی بوٹاں پیٹھ لتاڑن  
 گھاملوکڑے  
 اوکوں اکھا ہے  
 اج دے ڈینخ کوں اسماں نئیں بھلناں  
 4 اپریل دے واگنوں

(ii)

**چوھاں دی گھوراچ قاتل**  
 ”جنیں وی“..... ”جنیں وی“  
 کیا پئے اہدے او  
 ٹسماں نئیں چاندے  
 قاتل کتھا ان؟  
 نال جلوں دے ہک فقیر اللہ ابو لیا  
 طالبان دے پچھوں،  
 وسوں اپنی ویکن والے خان دے پچھوں

ہر گوڑے، بئی مان دے پچھوں  
لکیے پیٹھین.....

ڈوجھا بولیا..... ساکوں علم اے  
قاتل کتھ ان

ترے سو سٹھ والا کیاں ماری  
چوھاں دی گھوراچ

تریجھا بولیا..... چو تھا بولیا،.....  
چوھاں دی گھوراچ پانی چھوڑو  
پُس کے ہک ڈینھ باہروں آسن  
آپیں ڈکھا ہے  
بنگے چو ہے لک نئیں سگدے  
وردیاں پا کے

(iii)

**نیل کنٹھ سوگ وچ**

نیل کنٹھ سوگ وچ  
سوگ وچ سارا جہان

الامان

سنڌو رات کا لڑی  
 کالے بُٹاں والری  
 وسوں پوری نیل و نیل  
 چندر پورا لھو لہان  
 الامان

نیل کنٹھ سوگ وچ  
 سنڌو تیدی لالڑی  
 بے قصور ماری گئی  
 ڈیکھ ساڑی بے وسی  
 ڈیکھ ساڑا امتحان  
 الامان

نیل کنٹھ سوگ وچ  
 سنڌو تیدی جھولڑی  
 خالی پئی ہے ڈھولناں  
 منجھ ساڑی درد مند  
 درد ساڑا مہربان

الامان

نیل کنٹھ سوگ وچ  
سندھو اپنے صدق دی  
پارت ہووی دوستا  
کتنی تھوڑی زندگی  
کتنی لمبی داستان

الامان

نیل کنٹھ سوگ وچ  
(بی بی سین شہید بن نظیر بھٹو دی شہادت تے)

## وفاداری

محبت اہدن  
 کہ شے ہے  
 محبت توں وڈی وی  
 کہ شے ہوندی اے  
 ”وفاداری“  
 بشرطِ استواری  
 اصل ایمان ہے“  
 محبت وی  
 وہ عبادت وی  
 سیاست وی  
 جیو دلدار زرداری  
 وفاداری  
 (دوست آصف علی زرداری سانگے)

## نال ہیں شہیداں دے

بھانویں کوئی شمار نہیں  
 وہ وہی کتنے بے شمار  
 اساں جو مزدور ہیں  
 اساں جو کسان ہیں  
 لکھی جو زمین ہیں  
 لکھی آسمان ہیں  
 پپلاں دے پتر ہیں  
 لایاں دے بور ہیں  
 کال ہتھوں مارے گئے  
 جتنے بے قصور ہیں  
 پال ہیں شہیداں دے  
 نال ہیں شہیداں دے

(دوست بلاول بھٹو زرداری سانگے)

(ڈوجھی پچھی)

## پرانا هک رد هم

مزا کھوک دا  
 مزا اچوک دا  
 ڈڑھوں ڈائیں ڈڑھوں  
 ڈڑھوں ڈائیں ڈڑھوں  
 مزا محبت دا  
 مزا جوانی دا  
 مزا آن پنی دا  
 مزا آن چھانی دا  
 ڈڑھوں ڈائیں ڈڑھوں  
 ڈڑھوں ڈائیں ڈڑھوں  
 مزا تاں جیون دا

اُداس تھیون دا  
 مزا تاں ھیل دا  
 مزا تاں ڈکھن دا  
 ڈڑڑوں ڈائیں ڈڑڑوں  
 ڈڑڑوں ڈائیں ڈڑڑوں  
 مزا بہار دا  
 مزا بہاری دا  
 مزا خمار دا  
 مزا خماری دا  
 ڈڑڑوں ڈائیں ڈڑڑوں  
 ڈڑڑوں ڈائیں ڈڑڑوں  
 مزا تاں بو سے دا  
 مزا تاں جسم دا  
 مزا وصال دا  
 مزا طسم دا  
 ڈڑڑوں ڈائیں ڈڑڑوں

ڏڙڏوں ڏائیں ڏڙڏوں

مزرا تاں کھیر دا

مزرا تاں ماکھی دا

مزرا تاں ناکھ دا

مزرا بے ناکھی دا

ڏڙڏوں ڏائیں ڏڙڏوں

ڏڙڏوں ڏائیں ڏڙڏوں

مزرا تاں ہستی دا

مزرا تاں مسْتی دا

اُجاڑ کھنڈر دا

آباد وستی دا

ڏڙڏوں ڏائیں ڏڙڏوں

ڏڙڏوں ڏائیں ڏڙڏوں

مزرا وچھوڑے دا

مزرا وصال دا

مزرا بھوں دُور دا

مزا ہھوں نال دا  
 ڈڑھوں ڈائیں ڈڑھوں  
 ڈڑھوں ڈائیں ڈڑھوں  
 مزا عبادت دا  
 مزا شہادت دا  
 مزے کوں یار بنا  
 مزا تاں آپ خُدا  
 ڈڑھوں ڈائیں ڈڑھوں  
 ڈڑھوں ڈائیں ڈڑھوں  
 (اگوں اگوں پُرانی ہک ڈھڈھویندی وجدی اے)



## ENIGMA MUSIC

ریڈ انڈین نال  
 منجھیں دے گیت،  
 اوندیاں بھیں دے گیت،  
 اوندے ناہرال دے گیت،  
 اوندے سرداراں دے گیت،  
 اوندے ڈپ کھڑے گھوڑیاں دے گیت  
 جنگجو دے گیت،  
 اوندی فتح دے گیت،  
 اوندی شکست دے گیت،  
 ساکوں وی چنگے لگدن  
 بے شک اے گیت ساکوں

لاہر تاں کھڈ اسگدن  
 وسماء نئیں سگدے  
 بے شک "ماں یکل جیکسن" دی  
 چیک وی،  
 قابل سماعت شے ہے  
 و میلے توں،  
 روشنی توں،  
 خیال توں،  
 ڈھیر تکھی  
 جیویں آہ تکھی  
 جیویں سسکی تھکی  
 "I Love You,  
 I will kill you,  
 But i love you, forever"

☆ Enigma is a German Musical project founded in 1990 by Michael cretu  
 (Romanian German musician)

## کیف دی شے

پوڈھاروں ناسوت دی گنگری، بھوت دی گنگری  
 نال اپنے لاہوت دا ویلا، کیف دا ویلا  
 نیلم والی جھال جھڑی اے، نال آکھیں دے  
 مُٹھ اچ لال یاقوت دا ویلا، کیف دا ویلا

## پترے چناراں دے

پرے کنوں سوھنے لگدن  
 جادو پہاڑاں دے  
 ڈھاک تے بلدے ہوئے  
 پترے چناراں دے

چاک سُگا پوندن  
 رُسے یاد آپوندن  
 دُور بھوں ونجناں اے  
 ساکوں ہجردے راہ پوندن  
 کھنپ کیں کھوہ گھدے  
 اُٹ نیاں بہاراں دے  
 پترے چناراں دے

بھانویں ایں پار ہوون  
 بھانویں اُول پار ہوون  
 اکھیں یکتار ہوون  
 کیا انتبار کروں  
 بے انتبار اے  
 پترے چنار اے

مینہ وس پوندے ہن  
 ھیل گھل پوندی اے  
 اُتحاں دل نئیں ہوندی  
 جتھاں دل ہوندی اے  
 کینداں گھنندے ہن  
 لٹھے دربار اے  
 پترے چنار اے  
 اسماں بے رنگیاں دا

رنگ کوئی لال ہوندا  
 اکھیں راہ نال ہوندیاں  
 دل درسال ہوندا  
 دل والی جھیل ہوندے  
 دل دلداراں دے  
 پترے چناراں دے

نکھڑے نکھڑ گئے  
 نکھڑے نئیں ملدے  
 ہتھوں کتھاں اڈ پڑ گئے  
 نکھڑے نئیں ملدے  
 دھوڑ نال دھوڑ تھئے  
 نکھڑے نئیں ملدے  
 ملن کوں مل پوندن  
 چاک تلواراں دے  
 پترے چناراں دے

کنکاں نسر گیاں  
 نسر یاں وسر گیاں  
 کوئل کوک ڈتی  
 امباں تے بور آگئے  
 پوڈھاروں پھل کھڑ پئے  
 سرخ اناراں دے  
 پترے چناراں دے

●

عشق والا چوڑھا خبرے کن گیا  
 سی نال وچھوڑا خبرے کن گیا  
 ویہرے اندر بُلبلیں دا جوڑا حا  
 بُلبلیں دا جوڑا خبرے کن گیا  
 سینے اندر سینے دا جو درد حا  
 ڈھیر بھانویں تھوڑا خبرے کن گیا  
 پنڈوں چندے پال سُدھ نمیں کیا تھئے  
 جخیاں والا کھوڑا خبرے کن گیا  
 دریا اگوں سالھ ننگی تھی کھڑی  
 کانباب والا لوڑھا خبرے کن گیا  
 کن گیاں پریاں او نال قصے وچ  
 بادشاہ دا گھوڑا خبرے کن گیا  
 بُلبلیں دا جوڑا خبرے کن گیا



یا اللہ خیر ہووے  
 خیر جگ جہان دی  
 خیر ایں زمین دی  
 خیر اسماں دی  
 یا اللہ خیر ہووے  
 خیر ہووے سخنی دی  
 خیر ہووے لکھی دی  
 خیر ہووے پکھی دی  
 دم، دیا، دان دی  
 یا اللہ خیر ہووے  
 خیر ہووے مُرلی دی  
 مُرلی نال چاک دی  
 ھیر ھیر کوکدکے  
 چاک والے بھان دی  
 یا اللہ خیر ہووے  
 عاشقان دی خیر ہووے

خیر ہوے عشق دی  
 خیر ہوے برحادی  
 درد بئی مان دی  
 یا اللہ خیر ہوے



پھلاں نال دوستی  
 کنڈیاں اُتے رقص، رقص  
 پھلاں نال دوستی  
 چندر نیلا نال نال  
 جھیل والا عکس، عکس  
 پھلاں نال دوستی  
 یاد اوندی ویندی نئیں  
 پتھر اتے نقش، نقش  
 پھلاں نال دوستی  
 کہکشاں در کہکشاں  
 بے کناراً نتر پھلاں نال دوستی



باہروں بھانویں ڈسدا نئیں  
 اندروں ساڑے وسدا ہے  
 کون ہے  
 کھڑ کھڑ ڈیکھو ویندا ہے  
 پھل پھل ویندا ہسدا ہے  
 کون ہے  
 کھیڈ انوکھی کھیڈدا ہے  
 راس انوکھی رسدا ہے  
 کون ہے  
 پھس اے اوندی چاہ دی  
 مزا اوندے لس دا ہے  
 کون ہے  
 عشق ساڑے وس دا نئیں  
 درد ساڑے وس دا ہے  
 کون ہے



خالی تاں خلاء اے  
 باقی تاں فناہ اے  
 بھری جھولیاں  
 پولیاں در  
 آندا ویندا راہ اے  
 باقی تاں فناہ اے  
 بھانویں نال نال اے  
 وِتحہ بے بہا اے  
 باقی تاں فناہ اے  
 عشق درد مند اے  
 حُسن بے پرواح اے  
 باقی تاں فناہ اے  
 اسماں اوں دے کون ہیں  
 او ساڈا کیا اے  
 باقی تاں فناہ اے



سئین دی ڈات ملے  
 پوری پر بھات ملے  
 نور در نور ملے  
 تاب در تاب ملے  
 سب توں آچھی ملے  
 کال کڑچھی ملے  
 ہر ویلے موراں کوں  
 پائیلاں پا ڈیکھوں  
 سنگتیاں آونا حا  
 کاں کالا کرک پیا  
 چپ دی کندھلی اُتے  
 چپ ارمانی تھی



منگنی جے نئیں وت وی  
 کوئی دعا تاں ہووے پئی  
 منگنی جے پوے تاں  
 خیر منگوں جگ دی

اوہو آپ نال اپنے  
 ہر شے وچوں ظاہر اے  
 دنیا جیکوں اکھیں نال  
 ڈیکھ نہیں پئی سگدی  
 اساں پئے ہیں لڑھدے  
 ندی پئی اے وگدی  
 ساڑی کون لگدی  
 مونجھاں دی مونجھاونی



مولاء متر ملاوے  
 متر ملاوے مولا پاک وو  
 مولا متر ملاوے  
 آن لگی وت جھڑی سیاڑھی  
 نین تھئے نمناک وو  
 مولا متر ملاوے  
 نال بھار دے بردھا پُھٹ پئی  
 ہری بھری تھئی ساکھ وو

مولا مِتر ملاوے  
 مول دے سَت ماڑ پچھانویں  
 وگدی پئی ہے کاک وو  
 مولا مِتر ملاوے  
 درشن ہووے یار سجن دا  
 کھول کھڑائے ہم تاک وو  
 مولا مِتر ملاوے  
 مِتر ملاوے مولا پاک وو  
 مولا مِتر ملاوے

●

بھانویں کوئی کم نہیں  
 وت وی کتنے کم ہن  
 کھنڈے پین  
 بُرھا بُرھا گوکدے  
 نین ساڑے نم ہن  
 کھنڈے پین  
 غم نال خوشی اے

خوشی نال غم ہن

کھنڈے پین

سماں سوگوار ہن

تمس اگوں تم ہن

کھنڈے پین

سیدھا کتھا وگدا ہے

دریا نال خم ہن

کھنڈے پین



سکی تیڈے سکے لگدے

عشق در عشق وچوں

اساں ودے اُورے ہیں

او وی تھکے تھکے لگدے

سکی تیڈے سکے لگدے

رات دی رات کتھاں

اٹھاں دے کچاوے تاں

اکھیں اتے رکھے لگدے

سکی	تیڈے	لگدے	سکے	لگدے
زندگی	توں	خوش	توں	لگدے
زندگی	توں	آکے	لگدے	لگدے
سکی	تیڈے	سکے	لگدے	



ڈیوے	اُتے	لات	دی	اُتے
قصہ	تحنے	قصہ	در	قصہ
چونک	تحنے	چپل	دا	چونک
گھر	تحنے	پر	دی	گھر
امباں	کتھاں	باغ	دے	امباں
کوئیں	کتھاں	کوک	دی	کوئیں
ہوک	اساں	ہوک	در	ہوک
گیڑ	تحنے	گیڑ	در	گیڑ
سو نے	چڑھی	پان	دی	سو نے
بھاء	چڑھی		اسماں	بھاء
بھاء	اندر		بھیت	بھاء
ککھاں	تحنے	ڈھیر	دا	ککھاں

تھنے	خاک	در	تھنے
تھنے	پیر	در	پیر



شیشے پچھوں کیا ہا، کوئی پتہ نہیں  
 بندہ ہا، خدا ہا، کوئی پتہ نہیں  
 چڑیاں دے کجھ آلہنے ھن، یاد ھے  
 آلہنیاں وچ کیا ہا، کوئی پتہ نہیں  
 جھٹاں ھن ریت اے، ریت نال  
 پاگل مک دریا ہا، کوئی پتہ نہیں  
 پتہ کروں کیا ہا، کوئی پتہ نہیں



زمیں ہے،

آسمان ہے،

کہکشاں ہے

خدا دے نال کتنی ہے خداوندی

اساں مِلسوں

ولا مِلسوں

سدا مِلسوں

سدا دے نال کتنی ہے سداوندی

اساں جو دور ہیں پئے نال ہوسوں

کتھاں ہے نال ہوون دی دعاوندی

فقط ترشنم، ولا ترشنم، ولا ترشنم

ایں جل دے نال ہووے پئی، جلاوندی

●

خوشی محسوس تھیندی اے  
 نہ غم محسوس تھیندا اے  
 نہ روون کول دل اہدا اے  
 نہ کھلن کوں دل اہدا اے  
 نہ کہیں ڈینھ متر پیارے نال  
 میلن کوں دل اہدا اے  
 فقیراں دی سدا اندر  
 اسماں خالی خلا اندر  
 بنائ کہیں مونجھ، مونجھے ہیں  
 پتھے نئیں یار کیا تھی گئے  
 وچھوڑا بے بہا تھی گئے

●

دھمی ویلے پھلاں نال  
 جھولی اپنی بھر پیٹھے  
 کوئی پتہ نہیں پار دا  
 پار کتنی دور ہے  
 کِنڈاں نال کھیڑ کے  
 مرلی اتے چھیرو نال  
 چوڑھویں دے چندر کوں  
 تلی اُتے وَھر پیٹھے  
 ٹساں وی اندروں وڑ پیٹھے  
 اساں وی اندروں وڑ پیٹھے  
 باہروں خبرے گلیاں وچ  
 گلیاں نال کیا تھیا

●

سب نال پیار اے تاں رب نال پیار اے  
 رب نال پیار اے تاں سب نال پیار اے  
 مُلاں نال مُلاں واں، سکھنی میت اے  
 ساڑے نال کیتاڑی، تو بنے ولی تار اے  
 جنگل اچوں وچلا اے راہ ، ساڑا راہ اے  
 راہ نال ڈونھاں پاسوں، پھلاں دی بھار اے  
 ایہو تاں دھیان اے، پیراں نال پار دا  
 کیڑی ساڑی دوست اے، مکوڑا ساڑا یار اے  
 آندیاں نال ہر ویلے گیت ہے ملاب دا  
 ویندیاں نال ہر ویلے کونجاں دی قطار اے



عشق دا وگدا دریا ہووے  
 حُسن دی واہندي دھارا ہووے  
 درشن سئیں دا نال اساؤے  
 وڈے ویلے دا تارا ہووے  
 بھانویں ہووے کچ پُنل دا  
 بھانویں تخت ہزارا ہووے  
 برحہ دی بے چینی ہووے  
 تلی تے جیویں پارا ہووے  
 لگدا ہے جیویں جھنگی وچوں  
 جھنگی چندر ابھارا ہووے



ناپسند ہیں تاں ناپسند کر، کاواڑ نہ کر  
 تھی سگے تاں یار پسند کر، کاواڑ نہ کر  
 دنیا کتنی ڈو ونکی ہے، تھی کہ وناکا  
 کہ ونکی دا ناں بلند کر، کاواڑ نہ کر  
 جو توں چاہویں اونویں سبھ کجھ نہیں تھی سگدا  
 آرزو اپنی آرزو مند کر، کاواڑ نہ کر  
 دل اپنے کوں دل اپنے دے نال ملا گھن  
 دل اپنے دی نہ کوئی ونڈ کر، کاواڑ نہ کر  
 کہ در، بے بہادر کھلدے ویندے ہن  
 کہ دَر اپنے اندر ویں بند کر، کاواڑ نہ کر

کتھوں آئے ہیں، کوئی پتہ نہیں کتھاں ہوسوں  
 پیر تیڈے دی مٹی ہوسوں جتھاں ہوسوں  
 بہہ راہسوں تاں، اُچا پل جھاترا ہوسوں  
 ٹر پوسوں تاں، وِتحہ مُتوں سے وِتحاں ہوسوں  
 اُچیاں ماڑیاں نال فلک تیں اُچے ہوسوں  
 جھکیاں جاہیں نال ھمیشاں، جھکاں ہوسوں  
 کوئی طلب نہیں رہ گئی باقی، باقیاں نال  
 ہوسوں وی تاں ہر ویلے تیڈیاں سکاں ہوسوں  
 ہولیں ہولیں وِسماں نال، وِسدے پئے ہیں  
 دیوتا ہوئی من اپنا تاں، دیوتا ہوسوں

## سنڌو دے گیت

سنڌو تیڈی عاشقی  
 صادقاں دی صادقی  
 سنڌو تیڈی عاشقی  
 بھل سنڌو تیڈی عاشقی  
 ماورا وصال توں

هجر توں وی ماورا  
 سینے اندر جاگدی  
 سندھو تیڈی عاشقی  
 بھل سندھو تیڈی عاشقی  
 علی علی بول کے  
 وال اپنے کھول کے  
 ڈھولک اُتے کھیڈ دی  
 سندھو تیڈی عاشقی  
 بھل سندھو تیڈی عاشقی  
 بھاگ وندال دی بھاگ وند  
 سی نال سرخرو  
 تریہہ تیڈے نام دی  
 سندھو تیڈی عاشقی  
 بھل سندھو تیڈی عاشقی

### ہنساں دی میں ہنسنی

(ii)

اسمانوں لٹھی آں  
 دریا اچوں جائی آں  
 ہنساں دی میں ہنسنی

آندی ویندی لاحر نال  
تیڈے آس پاس آں  
تھی سکے تاں گول گھن  
لدھے دی لدھائی آں  
ہنساں دی میں ہنسنی  
ہاتو ہات تیڈے نال  
میل کے تار تھی آں  
ہنساں دی میں ہنسنی  
بھان اتے بھانی اُتے  
نیل گوں پانی اُتے  
پانی دی لکھائی آں  
ہنساں دی میں ہنسنی  
تسی تیڈے پیار دی  
مونجھ مونجھ لئی آں  
جندری نبھائی آں  
ہنساں دی میں ہنسنی  
خبرے کھاں ونجنا اے  
خبرے کھوں آئی آں  
ہنساں دی میں ہنسنی

(iii)

کوئی کونج لਤھی اسمانوں  
 میٹھی مونجھ لਤھی اسمانوں  
 بُت رہ گیا بَر وچ بھردا  
 ساہ اُڈ گئے جُمل جہانوں  
 جنھاں عشق دی چوٹ نہ چکھی  
 گئے وانجے ڈونہاں جہانوں  
 کوئی کونج لਤھی اسمانوں  
 اُٹھی دول وجا کے مترا  
 اسماں اپنا آپ سنجاؤں  
 کوئی کونج لਤھی اسمانوں  
 نویں پستک پریم دی لکھنی  
 اسماں تھک گئے وید پرانوں  
 کوئی کونج لਤھی اسمانوں  
 میٹھی مونجھ لਤھی اسمانوں

## در خماری در خمار

سِک وی تار  
 اساف وی تار  
 در خماری در خمار  
 پئی اُڈیل پوندی اے  
 ارغوانی شام دی  
 خوشی چار ڈینھ دی  
 درد کتنے بے شمار  
 در خماری در خمار  
 آپ دی ہستی وچوں  
 آپ دی ہستی وسار  
 در خماری در خمار  
 اکھیں نال دو بدرو  
 پیراں نال جا پجاہ

## خيال

کوئی خیال کتھوں دا  
 کوئی خیال کتھوں دا  
 من اپنے بے چین کوں  
 کہ جاہ لکن ڈیندا نہیں  
 خاب اسماں کیا ڈیکھوں  
 خاب یاد راہوے تاں  
 ندر ساکوں آوے تاں



اساتاں چلو  
 آدم ھا سے  
 ساڑی روح تاں  
 وڈ کے اہدن  
 اسماں دواؤ ویندی اے  
 گتے، پلیاں، پکھی وی تاں  
 جیند اجی ھن  
 مرن توں پچھوں  
 انہاں دی روح  
 کرن ویندی اے  
 کوئی پتہ نہیں

(تريجھي پچھي)

روہی ناویں بھلیا ہویا  
 تھل اچ رلیا ہویا  
 جال چیوں کوئی بندہ ہووے  
 ویندا حفڑدا ہووے

## حال منوٽی دیاں نظماء

تھل.....1

دھوڑا گوں  
دھاڑا گوں  
چھوٹی موٹی  
کہ ادھ شے سنیں  
پورے دا پورا نال اپنے  
اسماں ساڈا گم تھی گئے  
اسماں ودے گلیندے ہیں  
ملن سانگے تاریاں کوں،  
ملن سانگے چندر کوں،  
چوڑھویں دی رات کوں،  
جال دی منوٽی ڈیون  
خchl دو پئے ویندے ہیں  
اسماں ودے گلیندے ہیں  
متاں اسماں مل پوے  
(سنیں مزارخان لاشاری ولوں)

## تھل.....2

پھلاں دی خوشبو

چیڑاں دے رنگ

نِت ڈہدے ہیں

مینہ دی کرن مِن

ساون دے سنگ

نِت سُندے ہیں

ماء پیو میٹھا

ول نئیں ڈٹھا

اللہ ڈکھاوے

(سین بھا بھی صدیقاں ولوں)

### **تھل 3.....**

خاب دی شے تاں  
 خاب دی حد تک ہوندی اے  
 اکھ کھلے تاں  
 ریت دی لپ اے،  
 نال اپنے وسما را  
 دوست پیارا  
 تھل اپناوی  
 خاب دی حد اے  
 حد اگوں بے حدی  
 (ملک مجید اعوان اتنے راجو بھا بھی ولوں)

### تھل 4.....

کھُمبیاں دی جاہ،  
 پیریں دی جاہ،  
 پیلھوں دی جاہ،  
 ٹھیکریاں چُن کے ولدے ہن  
 پال اسادے  
 تھل منگدے ہن کھیڈن کوں  
 تھی سکے تاں  
 جالیں والا،  
 پیریں والا،  
 کھُمبیاں والا،  
 تھل ولادیوں پالاں کوں  
 نال ہوادے انت نختی  
 چھل ولادیوں پالاں کوں  
 (اُستاد اعجاز بلوج اتنے سعیدہ بھائی ولوں)

## تھل 5.....

کہ عمرہاں دے باد  
 نال اپنے کوئی یاد  
 او وی ریت دی  
 شالا ہووے پی  
 سی والا ٹبا  
 ھیر والی منی  
 او وی ریت دی  
 شالا ہووے پی  
 جنڈ نال گری  
 پھلاں نال بھری  
 او وی ریت دی  
 شالا ہووے پی

(اکرم میرانی اتنے شاہدہ بھائی ولوں)

### تہل.....6

گھر نی گھر نی

ریت دے گھر ان  
 گھردے ویندن  
 گھردیاں نانویں  
 ریت آ لے روپیاں پچھوں  
 اگر بتیاں بآل بھوں  
 اپنے نال نال رہوں  
 ڈنگ متوں کنڈیاں نال  
 جالیں نال گم سُم  
 (ڈاکٹر فیق اتے طاہرہ بھائی ولوں)

## تھل 7.....

آندے ویندے راہ نال  
 جھڑیا جھڑیا دوستا  
 کنڈیاں اُتے پھلاں نال  
 وڑیا وڑیا دوستا  
 تھل وانگوں پیراں نال  
 ریت ریت ریہا کر  
 آپ کنوں بے نیاز  
 آپ کنوں بے خبر  
 سنگری سنگری جنڈاں نال  
 چالیں نال پیلھ پیلھ  
 (ڈاکٹر محسن شہزاد قادر اتے فوزیہ بی بی ولوں)

### تہل.....8

بھانویں اج ہوووں  
 بھانویں کل ہوووں  
 بھانویں تریہہ ہوووں  
 بھانویں چھل ہوووں  
 ول ہوووں تاں  
 ایں دنیا وچ  
 پورا تھل ہوووں  
 نکے بال ہوووں  
 رلے ڈاچیاں دے  
 (حکیم رفیق اشاری تے پٹھانی بھا بھی ولوں)

## تھل.....9

رستے نال اینویں  
 ڈھیرے اُتے  
 مِلس کت کے اُٹھ اپنے دی  
 ساہ اپنے کوں جھن کے  
 نال اُٹھا دے  
 ویندے پئے ہیں  
 جان گئے ہیں  
 دھپ کوں چھاں دی  
 جاگ نہیں لاوُنی  
 پار دی پار پُچاونی  
 (عرفان ہوت اتے بھا بھی رانی ولوں)

### تہل 10.....

بدلی، بدلی، خوشبو خوشبو،  
 کن من کن من،  
 کترن پچھوں  
 ساوے ساوے ٹولھے ہن کوئی  
 دھمی ویلے ترم کھڑدے ہن  
 شالا ترمدے راہون

(امیرزادہ ہوت اتے ماجدہ بھا بھی ولوں)

## تہل 11.....

اے وی گالھ کرنی ہئی  
 او وی گالھ کرنی ہئی  
 تھل دے نال کرنی ہئی  
 گالھ پورے چندر دی  
 چندر نال چکور دی  
 ٹولھیاں والی جھنگی دی  
 جھنگی والے مور دی  
 سُدھ نئیں پوندی تیڈے نال  
 کیڑھی گالھ کرنی ہئی  
 سوا اپنی محبت دے  
 (اظہر لاشاری اتنے آسیہ بی بی ولوں)

### تہل 12.....

راخچے نال راخچی اے  
 کھیریاں نال تم اے  
 نکی جہیں پریت اے  
 وڈا سارا غم اے  
 تیڈے ساڈے غم کوں  
 کون جذب کر سگدے  
 تھل نال جی سگدے  
 تھل نال مر سگدے  
 (اکرم شاری اتے پنڈی بی بی ولوں)

### تہل.....13

تہل اپنے پچھوں

اپنے پیرے کڈا ہیں نہیں چھڑ یندا

چھوڑے وی تاں کیوں

ھیل ہوادی اپنے پچھوں

پیرے چھوڑ لُ ڈیندی نہیں

ڈاچیاں، تو ڈے

کنھاں ویندے

پیرے اپنے چھوڑ کے

(کامران لاشاری اتنے سعدیہ بی بی ولوں)

### تہل 14.....

بھانویں جتحاں ودے ہوووں  
 اینویں لگدے  
 جیویں چاہ بہادرآلے  
 ودے ہوووں  
 جیویں ہٹنیں جھے ہوووں  
 جیویں ہٹنیں لدھے ہوووں  
 ایہوتاں کوئی نال اپنے  
 تھل اپنے داجادواے  
 (راجحواتے خالدہ بی بی ولوں)

### تہل 15.....

بار دی بار کرو  
 ڈھیر دا ڈھیر کرو  
 سکی دے نام ولا  
 اٹھاں دے پیر کرو  
 تھل سنگ جیونا ہے  
 تھل سنگ مرنا ہے  
 پُنوں پُنوں کرنا ہے  
 متاں پُنوں مل پوے  
 (دوسٹ پُنل خان ولوں)

### تھل.....16

ڈیکھوتاں ریت، ڈیکھوتاں چھل

چندن دی ماڑی سونے دا محل

تھل.....

کناں دے نال، گلیاں دا گنو

پیراں دے نال، پیراں دا ہل

تھل.....

مونجھاں دی مونجھ، لاہندا آوے

لاہندا آوے، گلھیاں دی کاھ

تھل.....

(ملک فدا حسین کھوکھرلوں)

## تہل 17.....

رات میں نذر اچ  
 نہ بڑھی ام  
 کیوں ڈساواں  
 کھنی کھنی  
  
 موئے بندے دیاں  
 اکھیں ہسن کوئی لڑھدیاں ویندن  
 اللہ کنوں  
 پڑھی تریہہ منگدی آں  
 تھل اپنا  
  
 متاں نج پوے،  
 (سنگتی اسلام جاویدلوں)

### تھل 18.....

واہ جو ساڑھے نال ترقی  
 آن وِ رادھی  
 تھل اپنے کوں پدھرا کر کے  
 کنکاں نال پلوتے سا کوں  
 مارن چاہندن  
 اُچے بُرج اُسارن چاہندن  
 کیا آکھوں جو  
 اساتاں نہر نئیں منگی  
 وچوں زہ بھری  
 سا کوں تاں لئی لائے دی  
 پُنیال ای پھوں اے  
 چال ای پھوں اے  
 (سید مالک اُشتہر و لوں)

## تہل 19.....

ساوی ساوی  
 ٹولھیاں دی کوئی لام اے  
 لام پچھوں لام اے  
 ویندی پئی اے  
 نال اس اس وی  
 ویندے پئے ہیں  
 اس اس نہ ہو سوں  
 ووت کیوں لگدے  
 جاں کوں جا لیں  
 آپ پچیسن  
 ڈیکھ گھنا ہے  
 (سمیں مظہر تابش ولوں)

## تھل.....20

تریہہ کنوں،  
 بربیان کنوں،  
 خطرہ نہیں  
 ٹپیاں کنوں  
 ریگ ریگستان کنوں  
 خطرہ نہیں  
 تنخ کنوں  
 تیرتے کمان کنوں  
 خطرہ نہیں  
 تھل اپنے کوں  
 نہروالے پانی کنوں  
 خطرہ اے  
 ساکوں ساڑھی  
 جندڑی نمائی کنوں  
 خطرہ اے  
 (سنگی سلیم نیازی ولوں)

## تہل 21.....

کیا آکھاں جو  
 ٹُچھ مُچھ کریاں،  
 ٹُچھ مُچھ جالیں،  
 ٹُچھ مُچھ نال روہیڑے  
 ملیا میٹ تھیا ہے سارا  
 سندھ سا گردو آبہ  
 کیکوں ونج کے پارت ڈیواں  
 سندھ سا گردو آبے دی  
 ڈوڑھے میڈے خان دے  
 بکھڑا سر کاردا  
 ڈوجھاوی سر کاردا

(سمیں سلیمان سہولوں)

## تھل.....22

سُتے لوک جگاون دا کوئی ترلا سِتروں  
 جا لیں نال الاون دا کوئی ترلا سِتروں  
 چُپ چُپاتا لمہہ ویندا ہے کگریاں پچھوں  
 تلی تے چندر لہاون دا کوئی ترلا سِتروں  
 سِتروں اپنے نال فقیرا سِک ساون دی  
 رُسے مینہ مناون دا کوئی ترلا سِتروں  
 جھُرتاں گئے ہیں پیریں واںگوں اندری اندر  
 آپ کوں آپ ہلاون دا کوئی ترلا سِتروں  
 ترلا سِتروں ترلا یک مٹھ ہوون دا  
 تھل کوں یار بچاون دا کوئی ترلا سِتروں  
 (سنگتی اللہ بخش کھوکھروں)

تھل.....23

تھل دی ریت اے  
 جل دی ریت اے  
 لڑ کے پھلاں نال روہیڑے  
 پتھر پانی کر ڈیندی اے  
 تھل دی ریت اے  
 پریں چنڈے بآل دی دل اے  
 دل اپنے کوں بھر ڈیندی اے  
 تھل دی ریت اے  
 ڈکھناں کر کے من اپنے کوں  
 ماہرا ماہرا کر ڈیندی اے  
 تھل دی ریت اے  
 ظاہر تھی اے دریا وچوں  
 دریا اندر لہہ ویندی اے  
 تھل دی ریت اے  
 جل دی ریت اے  
 (سنگتی ساحل لاشادی ولوں)

### تھل 24.....

چو پھیر اس اس وا جھوڑیاں دے  
 نانویں بالاں دے جھری جال اس اس  
 انھاں ٹولھیاں تے انھاں پلیاں تے  
 وڈے ویلے دی پنیاں اس اس  
 کیکوں پارت ڈیوں دل اپنے دی  
 کیکوں جندڑی یار نبھائی ڈیوں  
 کیکوں سنگری ڈیوں ساہ اپنے دی  
 کیکوں تھل اپنے دی شاہی ڈیوں  
 تھل اپنے توں ودھ سوہنائیاں کوئی  
 ایں دنیا دے وچ ہووے تاں  
 (سنگتی افضل جگوال ولوں)

## تھل.....25

جال جال بھینی نال  
 سانکدا سیالا ہے  
 تیز تکھی لری ہے  
 پکیاں نال پالا ہے  
 پچھوں اپنے کھوہ دے  
 پچی کچی رکھ نال  
 توڑے اپنے چھٹر باہوں  
 کہ ڈونجھے کوں ویڑھ باہوں  
 (ملک ارشد ویرہاولوں)

## تہل 26.....

بھوئیں تے قبضہ  
 بھوئیں دے نال  
 دماغ تے قبضہ،  
 جاہ تے قبضہ،  
 جوہ تے قبضہ،  
 جسم تے قبضہ  
 روح تے قبضہ  
 قبضہ قبضہ تھل اپنے دی وسوس  
 کیوں ڈسون  
 ”ب“ بندو خ نہ ”گ“ گند اسا  
 پانی کھراے قبضے دا  
 ( محمود مہے ولوں )

## تہل 27.....

ہوسنویں خوشی نال  
 ریت دیاں گبڑیاں جوڑ کے  
 ہوسنویں خوشی نال  
 ریت دیاں گبڑیاں بھن کے  
 اجاں تاں اساں نکے ہیں  
 توڑے توں ویڑے ردے ہیں  
 وڈے خبرے کڈاں تھیسوں  
 پیرے اپنے میل کے  
 توڑے اپنے چھیر کے  
 (ہس ولوں)

## تہل 28.....

اِتحاں ترم کھڑدی  
 اُتحاں ترم کھڑدی  
 اِنھاں پلیاں تے  
 اِنھاں پالیاں تے  
 بھانویں صبح ہووے  
 بھانویں شام ہووے  
 پنیاں ہووے مٹھے موسم دی  
 سِک اپنے نال تمام ہووے  
 (شناں ولوں)

## تھل 29.....

پیراں نال ہے تھل  
 تھل اپنے دی یاد  
 ویرانہ آباد  
 کچی مسیت دی خوشبو  
 لال کری دے پھل  
 جاوداں، ان مُل  
 ہک رات دی مهمانی  
 سئورا تاں دے غم  
 وت وی کتنے کم  
 (اشولوں)

SOS Call

Save our Thal, please!

## مویاں دی ارواح

نال اپنے یاد رکھنا پوندا ہے  
 درد کوں آباد رکھنا پوندا ہے  
 موياں دی آرواه ڈیونی پوندی ہے  
 زندگی کوں راہ ڈیونی پوندی ہے  
 بھانویں جوموئے نال اپنے نئی ہوندے  
 وت وی کتنے نال اپنے ہوندے ہن  
 تھی سگے تاں موياں دی آرواه ڈیوں

## ”کنفیوشن“ دی هک نظم اچوں

اے شاھر چھوڑے ونجنے ھن  
 اے وستیاں چھوڑ ونجنیاں ھن  
 اے ماڑی چھوڑ ونجنی اے  
 او بنگلے چھوڑ ونجنے ہن  
 جنھاں وچ روز کھیڈے ہیں  
 او گلیاں چھوڑ ونجنیاں ھن  
 جنھاں تے روز ٹردے ہیں  
 او رستے چھوڑے ونجنے ھن  
 نویں کہ قبر دے سانگے  
 اے قبراں چھوڑ ونجنیاں ھن  
 جنھاں وچ ساڈے ماء، پیو  
 نال سُتے پین

(کنفیوشن دی ارواح)

## جگ درشن کا میلہ

ہرویلا ہے پرم دی بھکتی  
 سست سنگھ دا ہرویلا  
 ڈینھ دے نال ہے رات اکھیندا  
 رات دے نال سویلا  
 جو آیا اوں ونجھاں یک ڈینھ  
 کیا چھتری کیا چھیلا  
 اندری اندر پس کھڑا ہے  
 نال ندی دے زیلا  
 ”اڑ جاوے گا ہنس اکیلا  
 جگ درشن کا میلہ“

(سمیں کبیر بھکت دی ارواح)

## دلتاں سانگے

(i)

اچ وی اونویں برہمن ہے  
 اچ وی اونویں دلت ہے  
 دنیا جو بھانویں اونویں نہیں  
 وت وی ساڑی دل ازاري  
 بھول کر بندی ہے  
 بھلا ہووس

بھانویں جو غلام گیری  
 صدیاں دی مصیبت اے  
 کل وی ساڑے نال ہئی  
 اچ وی ساڑے نال ہے  
 وت وی مُک سگدی ہے  
 پرم دے گیان نال

(مہاتما جیوتی با پھولے دی ارواح)

(ii)

اُتوں بھانویں مرد مرد  
 وِچوں اپنے ڈری ڈری  
 ہر اپنے دی بوچھنی سنبھال کے  
 عاجزی دی سکشانال  
 اہدی اے  
 نفرت دور تھی سگدی ہے  
 علم نال جہالت دی  
 ڈیکھتاں اچھوت بی بی  
 قبرتیڈی ہتے  
 پھل ای پھل ان  
 کھنڈے پئن  
 (سمین ساوتری بائی دی ارواح)

## دلتاں سانگے

(iii)

برہمن دے ہتھ رام لکیا  
 راون دے ہتھ سیتا لکی  
 سدا مسافر پیراں اگوں  
 گوتم نال اینویں جھیر والا کے  
 اسال کتنے  
 خوش قسمت ہیں بابا صاحب  
 ساڑے حصے بُدھ مت آیا  
 ساہ اپنے وسما کے  
 ہتھ اچ کاسہ چا کے

(بابا صاحب امبیڈکر دی آرواح)

## ولدا مہاتما گاندھی اگوں

علم دیاں گا لہیں  
 علم دے نال دھیان دیاں گا لہیں  
 امن دیاں گا لہیں  
 امن دے نال امان دیاں گا لہیں  
 پریم دیاں گا لہیں  
 دم، دیا، دان دیاں گا لہیں  
 بھانویں سچ ان  
 وت وی اہدن  
 بندہ اپنے نال مہذب کیویں تھیوے  
 جے تیئیں ماس خوارے  
 (سئین مہاتما گاندھی دی ارواح)

## جینی بی بی

قبرتیڈی  
 بہوں دور ہے  
 آئنیں سگدے  
 افسوس تاں کر سگدے ہیں  
 تیڈے بالاں کوں  
 نہیں بچاسکے  
 افسوس ہے  
 ہیا تاں ہیا  
 کارل مارکس شودے کوں وی  
 نہیں بچاسکے  
 زندہ ہووے ہاں تاں  
 جیل اچ  
 داس کیمپل دی جاہ  
 بلیک کیمپل  
 پڑھا لکھدا ہووے ہا  
 یادتیکوں کر کے  
 (سئیں کارل مارکس دی ارواح)

☆.....جینی بی بی.....کارل مارکس دی گھر آں

## چے گویرا

کیوبادے جنگل توں  
 بولیوبادے جنگلاں تیں  
 کہ ہتھوچ کتاب  
 کہ ہتھوچ گن  
 متاں اے دنیا تبدل تھیندی ہووے  
 دنیا اج وی اونویں دی اونویں اے  
 تبیدی ٹوپی جتنی وی  
 تبدل نہیں تھئی  
 بھائی چے گویرا  
 (کامریڈ چے گویرا دی ارواح)

## لال پھل

تیکوں مار سگدے ہن

میکوں مار سگدے ہن

بے شمار لوکاں کوں

جانثار لوکاں کوں

کون مار سگدا ہے

اے تاں ہو سن ہر ہمیش

نال نال پھلاں دے

لال لال پھلاں دے

(دوست ظفر نندی ارواح)

## توں ساڑا افریکہ

دُور کتنی خوشی اے  
 بے بہا اندھارے توں  
 نال کتنے غم ان  
  
 بے بہا اندھارے دے  
 گھنگھریا لے وال ہسن  
  
 بے بہا اندھارے دے  
 گھنگھریا لے دریا ہسن  
  
 بے بہا اندھارے دی  
 گھنگھریا می ریت اے  
  
 بے بہا اندھارے دی  
 وچوں ساڑا نال اے  
 ڈیوے جتنے روشنی  
 روشنی دے رو برو  
 اسماں تیڈے نیگرو  
  
 توں ساڑا افریکہ  
 (سمیں نیلس منڈیلا دی ارواح)

## ھک سوگوار حاضری

قبرتیڈی تے  
 پنج ہیں بھانویں ست ہیں  
 کوئی پتہ نہیں  
 سوگوار پڑھے ہیں  
 کتنے افسوس دی گالھاے  
 ایں ملک کوں  
 کہیں صوفی دی  
 کہیں سنت دی  
 کہیں عالم دی  
 کہیں نوبیل لاریٹ دی  
 ضرورت ای نی رہا گئی  
 عبدالسلام پیارے  
 (ڈاکٹر عبدالسلام دی ارواح)

## پریم دی سُولی

مسجدِ گئی آں

توں نہویں ملدا

مندرِ گئی آں

توں نہویں ملدا

چرچِ گئی آں

توں نہویں ملدا

تیکوں کتھاں لُک کے ملاں دوستا

پریم دی سولی اُتے

(مدرث بیادی ارواح)

## معجزہ

دنیا دے بھانویں سارے لوک  
 اللہ جائے ھسن  
 وہ توی اہدن کجھ لوک  
 اللہ سئیں دا  
 معجزہ توی ہوندے ھسن  
 مل کراہیں جنہاں کوں  
 کوڑھ دوڑھی ویندان  
 غیر غیر، نہیں راہندرا  
 (ڈاکٹر رُتھ فاؤڈی ارواج)

## بیتیماں سانگے

اللہ دا کوئی پیوندیں  
 اللہ دی کوئی ماء نہیں  
 اللہ سب دادوست اے  
 اسماں وی بیتیم ہیں  
 اللہ دار رسول وی بیتیم ہا  
 تھی سکے تاں پیار ڈیوں بیتیماں کوں  
 اللہ آپ وارث ہے بیتیماں دا  
 (سنیں عبد الاستار ایدھی دی ارواح)

## مونجھ

پتھر دا کٹورا اے  
 بوند بوند پانی اے  
 تلی اُتے وَت وی نال  
 تخت سلیمانی اے  
 تپیدی سادی مونجھ تاں  
 مونجھ آسمانی اے  
 ایہو تاں کوئی منتر اے  
 روہ دے نال راہوں دا  
 مونجھ کوں مناون دا  
 (مرشد ارشاد تونسوی دی ارواح)

## من اپنے دی مینہن

کِلکڑیاں پا کے  
 جالیں ہن  
 جالیں نال چلو ٹے ہن  
 پئے کھیڈ دے ہن  
 ریت پچھوں کوئی دریا ہا  
 پیاوگد اہا  
 تھل اپنے دا جادو ہے  
 اینویں لگد اہا  
 من اپنے دی مینہن ہئی  
 مینہہہ منگدی ہئی  
 (سمیں و سمل پنوار دی ارواح)

## کیا کروں اُستاد جی

انقلاب ہئی شودا  
 فیل تھی گیا ہے  
 نویں سروں نال اپنے  
 انقلاب کر ڈیکھوں  
 درد اپنی وسوں دا  
 ول کتاب کر ڈیکھوں  
 ول کتھائیں آپ کوں  
 بے حساب کر ڈیکھوں  
 کیا کروں اُستاد جی  
 (اپنے اُستاد پروفیسر نواز صدیقی دی ارواح)

## پریم کبوتر

نیل کتھانویں،  
 کتھ کے ساکوں  
 اُڑ ویندا ہے  
 پریم کبوتر  
 کھمب لائے اسماںی  
 (سعین شیم عارف فریشی دی ارواح)

## لکھی زمرد

دل اہدا ہے

سید بادشاہ

قبرتیڈی تے

مُٹھاپُشی دا

لکھی زمرد رکھ آندے

تھوڑا تھوڑا بکھ آندے

(دوست سید حسن رضا بخاری دی ارواه)

## وچھوڑا

جامنی انگوراں دی  
 ولھ کتھاں ویڑھ کے  
 اے ندی وی تر پیٹھے  
 او ندی وی تر پیٹھے  
 من اپنے دی مونجھ نال  
 اکھیں تار کر پیٹھے  
 کیا کروں وچھوڑے دا  
 وچھوڑا بے بہا جو ہے

(سئیں ذکواللہ دی یاداچ)

## أداسى

پہلے وی اُداس ہئی  
 ول اُداس تھی گئی  
 چندر متول چندر دی  
 چاندُنی دا کیا کروں  
 نال اپنے بے وفا  
 زندگی دا کیا کروں  
 زندگی دے نال سکھنی  
 بے وہی دا کیا کروں  
 کیا کروں اُداسی دا

(سینیں وسیم واگھادی آرواح)

## چھیکڑی ارواح

لوک واہندراد ریا ہے  
 وہ سہ گھن  
 تھوڑا ہوں درد ہے  
 سہ سہ گھن  
 تھوڑی بہوں منجھ ہے  
 منا گھن  
 ڈکھتاں اجاں آونے ہیں  
 قہقہہ در قہقہہ در قہقہہ

(مرشد محمود نظامی دی ارواح)

دوسناراهیں کجھ نظمان

چٹے چٹے پلھوں ہن  
 ساوی ساوی لام ہے  
 کیندے ناویں پار دے  
 کپھیاں دا سلام ہے  
 رام نام سَت ہے  
 سَت رام نام ہے

## آکروش

اسال کیڑے،  
 اسال مکوڑے،  
 اسال کھانوں،  
 اسال چوڑھے،  
 اسال گٹائے،  
 نکڑیاں نکڑیاں شنیں دے  
 وڈے وڈے پہاڑ  
 ڈھو سگدے ہیں  
 ساکوں وی تاں تھوڑی جتنی  
 عزت ڈے اے زندگی



جنگل ساڑا  
 وت وی اپنے جنگل متون

اسال دلت  
 جنم جنم دی ذلت  
 منگھ، مہار، مہانے  
 مرن ہتھوں جیون ہیں  
 جیون ہتھوں مرن ہیں  
 دیوتا دے پیر دا کوئی ورن ہیں  
 ساکوں وی تاں تھوڑی جتنی  
 عزت ڈے اے زندگی  
 عزت متواں اسال دلت  
 اسال تل وطنی  
 ہن اے جان گئے ہیں  
 سیتا دا متر رام نہیں  
 ہنومان اے  
 کاں، گتے وی  
 ساڑی ذات برادری ان  
 (دوست اروں دھتی رائے سانگے)

## دل اہدے

میں توں وڈی  
 دھی میڈی  
 گل مکنی اہدی اے  
 بابا علم بندہ اے  
 حشی طالبان تاں  
 بندے نال مندا اے  
 اللہ دے ناں تے  
 اللہ دا کھلا دشمن  
 اللہ دے کھلے دشمن کوں  
 اللہ پڑھاواں  
 دل اہدے  
 تلی تے پورا چندر بکھاواں  
 دل اہدے  
 (نکی دھی اپنی ملالہ یوسفزئی، "گل مکنی، سانگے")

## ٻال دی دل

دل اپنی تاں  
 ٻال دی دل اے  
 تئنی کوں پھل  
 اتے پھل کوں تئنی سمجھیںدی اے  
 بازدے دھڑکوں  
 خُھکھھی داسِر پئی لیندی اے  
 اللہ کر لگ پوے  
 ٻال دی دل دے نال ای  
 دُنیا بچنی اے  
 (نکی دھی اپنی گریٹا تھنبرگ سانگ)

Greta thunberg "Swedish Climate )

(youth activist

## رسول پور دی هک شام

بے شک

مونجھوی ہووے پی

منا گھنسوں

بے شک

دردوی ہووے پیا

سہہ گھنسوں

دشمن

بھانویں کوئی نہیں ہوندا

دشمن نال

اوکھاویلا آیاوی تاں

رہ گھنسوں

ہس ہک دل بدنام نہ ہووے

اللہ کرے

شام توں پہلے شام نہ ہووے

اللہ کرے

(دوست اسلم رسول پوری سانگے)

## پھلان بھری چنگیر

پچھوں رکھاں پیرے چھوڑ گیا ہے  
 خالی اپنے دیہرے چھوڑ گیا ہے  
 اساں اوندے پیرے سانبھ رکھے ہن  
 نکڑے نکڑے جھیڑے سانبھ رکھے ہن  
 کہیں پاسوں تاں جھات آن پاوے ہا  
 نال ساڈے سانوٹی مناوے ہا  
 تلی اُتے دل دھری پیٹھے ہیں  
 پھلان دی چنگیر بھری پیٹھے ہیں  
 (دوست عزیز شاہد سانگ)

## پھاٹک

رات دی رات اچ  
 سونے دے کوئی وچھے ہن  
 گھاء ساڑھے پرویندن  
 ڈھمی ویلے  
 اسماناں تیس  
 اسماں اپنیاں گائیں سودھ  
 پھاٹک لگے ہوندے ہیں  
 وت وی ساکوں  
 اپنے وچوں پورا پکاے  
 وسوں ساڑھی ویچ کے  
 جوہ ساڑھی ہتھیا کے  
 سامری وی تاں  
 اپنی دست برداکنوں  
 انت نہیں بچنا  
 ساکوں پھاٹک لائے  
 ہبیٹ نواں پاکے  
 (دوسٹ منصور کریم سیال سانگے)

## ارشاد امین

اساں بہوں تھوڑے ہیں  
 او بہوں دریہہ اے  
 اللہ کرے دریہہ ہووے  
 وسوں دا کوئی قصہ اے  
 قصے دا کوئی دیہہ اے  
 اللہ کرے دیہہ ہووے  
 پورے ہند سندھ نال  
 تو تے والی جنت نال  
 (دوست ارشاد امین سانگ)

## صدقہ شاہ عنایت دا

بھانویں ساری دنیا دے  
 لوک ساڑے لوک ہن  
 وَتْ وَیْ اپْنِ عَشْقَ دَا  
 انتظار ساڑا ہے  
 ”بے نظیر“ ساڑی ہے  
 ”ذو الفقار“ ساڑا ہے  
 سنگری سنگری سندھ نال  
 کھوہ اپنے دا کھاؤا ہے  
 ولیل ”شاہ لطیف“ دی  
 صدقہ ”شاہ عنایت“ دا  
 (دوست ارشاد لغاری سانگے)

## سانگا

بھلے ایں پار دا سانگا  
 بھلے اوں پار دا سانگا  
 نہ سکھنی جیت دا سانگا  
 نہ سکھنی ہار دا سانگا  
 اساکوں یار کافی ہے  
 فقط کہ پیار دا سانگا  
 (دوست امجد بھٹی سانگے)

## جاوداںی

اس اپنی قبر کنوں  
 چار قدم ہوندے ہیں  
 پہلا قدم زندگی  
 ڈو جھا قدم زندگی  
 باقی بچے ڈو قدم  
 زندگانی پیار دی  
 جاوداںی پیار دی  
 (دوست محبوب تابش سانگے)

## جیالا ہک دوست

اُون چاہندے نال ہوا دے  
 نال ندی دے تر ن چاہندے  
 لوکاں سانگے جیون چاہندے  
 لوکاں سانگے مرن چاہندے  
 کھول کے اپنے وال فقیرا  
 خود کوں خالی کرن چاہندے  
 تلی اُتے سر دھرن چاہندے  
 جی اپنے دے نال جیالا جیوے شالا  
 (دوست شہزاد شفیع سانگ)

## نیک دل ہک دوست

رات میں بند راج  
 نیکی ملنے ائی ھی  
 ہو بہوت یہ یاں شکلاں ڈیندی ہئی  
 نال اوندے  
 ڈھیر سارے بال ہن  
 پھلاں توں ودھ ھولے پھل  
 دل آہدے  
 اس اس وی نکے بال ھوندے  
 نیکی اپنی نال ہوندے  
 (دوست ڈاکٹر فضل ڈھانڈ لہ سانگے)

## پڑھا لکھا ہک دوست

کہ دفعہ ملے ہاسے  
 پڑھے لکھے بندے کوں  
 دل آہدے وٹ میلوں  
 پڑھے لکھے بندے کوں  
 پڑھے لکھے بندے دا  
 کوئی تعصب نہیں ہوندا  
 جیویں کہیں نماۓ دا  
 کوئی تعصب نہیں ہوندا  
 ما سوا محبت دے  
 (دوست عامر حسینی سانگے)

## نیل و نیل

تخت سلیمان دا  
 تل اُتے دھر کے  
 پتھر وچوں خان دا  
 گھوڑا چٹا گھڑ کے  
 اسماں روہ کالے دی  
 سکھنی اڈیل ہیں  
 تہوں نیل و نیل ہیں  
 (دوست حسن مرتضی سانگ)

## روہی

تھڈن دی کوئی شے ہوندی  
 اساں تھڈکھن ویندے  
 لڈن دا کوئی بار ہوندا  
 اساں لڈکھن ویندے  
 روہی تاں یا رمشوقاں وانگوں  
 دل دے نال وساونی پوندی اے  
 درد اے، درد ہند او نا پوندے  
 مونجھاے  
 مونجھ مناونی پوندی اے  
 (دوسٹ با سط بھٹی سانگے)

## پڑھ پُھٹ پوندی اے

اگوں دا کوئی پندھ ہووے  
 پچھوں دی کوئی چھک ہووے  
 روہی والے یار دی  
 سینے اندر سِک ہووے  
 نال اپنے سُونئیں  
 اللہ سائیں یک ہووے  
 پڑھ پُھٹ پوندی اے  
 متھے وچوں آپ دی  
 (دوست جہانگیر مخلص سانگ)

## بے وسی دا کیا کروں

بے وسی در بے وسی  
 ہلھن شودی کیا کرے  
 بے وسی در بے وسی  
 کونخ شودی کیا کرے  
 درد شودے کیا کرنا  
 مونجھ شودی کیا کرے  
 شاعر شودا کیا کرے  
 تریمت شودی کیا کرے  
 جنھاں ہر ہر شے  
 ٹوپی توں لا ٹرے توںی  
 مرد کوں ای لگی ہوے  
 جنت جنھاں  
 ملاں کالے علم نال ٹھگی ہوے  
 کیا کروں بے وسی دا  
 (دوست ممتاز خان کلیانی سانگے)

## کچنال بی بی

اے راہ گھنوں وی تاں  
 پُھل ویڑھ کھڑدی اے  
 او راہ گھنوں وی تاں  
 پُھل ویڑھ کھڑدی اے  
 ڈھیر سارے پیار دے  
 جا پچاہ بہار دے  
 (دوسٹ اظہر کلیانی سانگے)

## پانی رنگیاں اکھیں

پتہ وی نئیں لکھیا ساکوں  
 اسماں جذب تھی گئے  
 ساڑھے تے کوئی ڈوہ نئیں  
 اے تاں کوئی جادو حا  
 پانی رنگیاں اکھیں دا  
 جھاں ساکوں سندھی  
 سندھونال پریم دی  
 (دوسٹ اخلاق مزاری سانگے)

## دہانی

پتھر اچوں ڈس پئے  
 ڈکھ دی کہانی ہیں  
 چھبی کھن پر ہیں  
 لپ کھن پانی ہیں  
 کیا آکھوں دوستا  
 اساں جو دمانی ہیں  
 روہ نال راہندے ہیں  
 روہ توں وڈے دل نال  
 (دوست سینیں حبیب مہانا سانگے)

## سُکھ سنیہا

وڈے ویلے کوئی  
 آن ملیا ہے  
 کاں کر کیا ہے  
 شالا سُکھ سنیہا ہووے  
 جھوکاں شالا و سدیاں ہوون  
 چھپڑو شالا نال مہاگ دے  
 گاندے ہوون  
 ساٹھیں اندر  
 قصہ شالا چھپڑا ہووے  
 ڈیوے دی وٹ اُچی کر کے  
 (دوست ملک محمد اختر منڈھیر اسلامگ)

## عزت دی گالھ

امرود کوں  
 امرود دی خوشبو کوں  
 امبان کوں  
 امبان تے پورے چندرکوں  
 گھوڑے کوں  
 گھوڑے دے رقص کوں  
 بندے کوں  
 بندے دی بندگی کوں  
 شاعر کوں  
 شاعر دی شاعری کوں  
 عزت ڈیون  
 عزت دی گالھ اے  
 (دوست ملک ریاض حسین سامنیہ سانگے)

## آپ مہڈے

بال بال حا سے پئے  
 نال نال حا سے پئے  
 دُور دُور تھی گئے ہیں  
 بُور بُور تھی گئے ہیں  
 پہلے کٹھے تھیوں حا  
 پچھے وڈے تھیوں حا  
 آپ مہڈے تھیوں حا  
 (دوسٹ پروفیسر محمد خان ملغانی سانگے)

## الوداعی شام

شام داویلا حا  
 اچاں تھوڑی سردی ہئی  
 دور کہیں پتن آتے  
 بھاء پی پلڈی ہئی  
 اوکوں وی جلدی ہئی  
 ساکوں وی جلدی ہئی  
 اُتحاں اوکوں مل نہ سگے  
 جتحاں اوکوں ملننا حا  
 (دوست نجیب حیدر ملغانی سانگے)

## گالھیں

کوڑیاں سچیاں  
 سچیاں کوڑیاں  
 انقلاب دیاں گالھیں  
 صرف کتاب دیاں گالھیں  
 گالھیں توں ودھنال اساؤ ے  
 درد مان دی وسوں  
 کیا لکھوں کیاڑ سوں  
 (دوست غضنفر عباس سانگے)

## آنہور

لا، ہی چاڑھی  
تکن، پشلکن

اُٹھ کیتے  
اوکھی جاہاے  
جتاں وچوں بے کوئی اہدن

جت ہووے تاں  
مونڈھے نال کچاوے اپنے  
کہ برابر کر گھندے  
ڈواکھیاں دی آنہور  
آنہور نئیں راہندی

(دost ابراھیم بیگ سانگ)

## یاد وطن دی

اساں پر دیسی  
 ہرو میلے ساکوں  
 تریہہ اپنی دا چلکا پوندے  
 پولیاں دی ٹین  
 پرے کنوں ساڑا  
 پرا کریندی اے  
 ساکوں ساڑے  
 ملک دمان دی یاد یویندی اے  
 پندھ ملک ویندی ان تریہہ لہہ ویندی اے  
 (دوسٹ اکرم گورمانی سانگے)

## پریم گھٹی

پیراں نانویں دشت دشت  
 دشت نانویں دھب دھب  
 میلاں تیئیں رستے نال  
 مہربان چپ چپ  
 اکاں وچوں تھی کشید  
 گھٹی اپنے پریم دی  
 (دوست رحمت اللہ قیصرانی سانگے)

## مینہ ئیں وسدا

کملے بھولے  
 پال، پلوڑے  
 آٹاپن کے  
 جھولیاں اڈ کے  
 مینہ منگدے ھن  
 وس پونداھا  
 جئیں ڈینھ دی  
 اے دنیا آن سیانی تھی اے  
 مینہ نئیں وسدا  
 (دوست شفقت آپی سانگے)

## پنی دی سیر

انوں پاسے نال سندھ  
 انوں پاسے نال روہ  
 انوں جیٹھے آلا بند  
 انوں جیٹھے آلا بند  
 وچوں وگدی اے راہ  
 چیندے مکدے نہ پندھ  
 تھوڑا پندھ کروں حا  
 تھوڑی سیر کروں حا  
 کوٹھے جیڈی اے جُوار  
 مٹھے متراں دی کار  
 اٹھاں اٹھاں دی قطار  
 (دوست نصر اللہ بلوج سانگے)

## دوست چوہے

پچھلے ہفتے بھا بھی آئی ہئی  
 بر فی داؤ بہ اتے پنج سور و پے  
 ہنس کوں ڈے کے اہمی ہئی  
 ڈاکٹر جسکانی دے سارے  
 دوست چوہے مر گئین  
 میکیوں اے سن کے  
 وڈی خوشی تھی  
 میں وی تاں تیڈا  
 یک دوست چوہا ہاں  
 (دوست ڈاکٹر مظہر جسکانی سانگے)

## اگوں تاں سمندر ہا

تیں آکھیا دریا ہے  
 میں آکھیا دریا ہے  
 اگوں تاں سمندر ہا  
 جیکیوں اساں ٹھیل نہ سکے  
 رووناں ہا رو نہ سکے  
 کھلناں ہا کھل نہ سکے  
 یار تیکیوں مل نہ سکے  
 (دوسٹ طارق برمانی سانگے)

## چوپال

عشق والی گالھ اے  
 ”دیوانے“ دے نال اے  
 واج اُتے ”شاہ نشاط“  
 دل اپنے دا حال اے  
 ”کامی“، ہتھیں مُرلی اے  
 ”تاشی“، ہتھیں تھال اے  
 کھوہ اپنے دا پپل اے  
 تھل اپنے دی چال اے  
 ایہوکوئی اسرار اے  
 ہری بھری چوپال دا  
 (دوست شیخ منیر غنی سانگے)

## جهیل سیف الملوك

(i)

جھیل بی بی

چھپ چھپ

چھپ چھپ

چھولیاں تیڈیاں

چھلکدیاں ویندیاں

چھلکدیاں آندیاں

اُتے نیلا نیلا اسماں

پیٹھ نیلی نیلی توں

(ii)

جھیل بی بی

اُچے ساوے چیرھنال

کھھے باہون چاہنداے ہیں

إِتْهَاں مِکْ بَجُوم اے

آدم دی بزرگی دا

جنت و چوں بے دخل

رکتھاں و پنج پا ہوون

جتھاں نانگا پروت ہووے

پریاں ہوون

توں وی ہوویں

(iii)

جھیل بی بی

جڈاں آدمزادنہ ہووے

ملکہ پروت نال جو پریاں

دھانون آون

ساکوں ڈس اویں

پریاں دھاندیاں

اساں وی ڈیکھسوں

(دوست ملک عمر اسرا نگے)

## درد دا دلasse

بے وجہ خوش نال  
 بے وجہ پئے کھلدے ہیں  
 تھی سگے تاں کھلدے رہوں  
 بھانویں جو روز ملدے نہیں  
 وت وی روز ملدے ہیں  
 تھی سگے تاں ملدے رہوں  
 زندگی دے ھاسے وچ  
 درد دے دلasse وچ  
 (دوست ثقلین قیس سانگے)

## تریجھی اکھ

ڈوا کھیں تاں  
 ہر بندے دے نال ہن  
 ساکوں نئیں پتہ  
 متھے نال ٹپک تریجھی اکھوی ہوندی ہے  
 بھانویں اسماں جتنا لگوں  
 ووت وی گول گھندی اے  
 (دوست ملازم حسین قیصر سانگے)

## ان اگامی

بے تیئِ مونہہ تار ہے  
 اندر اپنا خالی نہیں  
 پریم دا محبتی نہیں  
 درد دا سوالی نہیں  
 بے تیئِ نال کاواڑ اے  
 بندہ ان اگامی نہیں  
 ول ول دنیا آونا  
 پھلی دا پھل پاؤنا  
 (دوست ذوالفقار لند سانگے)

☆.....”ان اگامی“..... بدھ دے لوظاں اچ او ہوں ان اگامی ہے جیڑھا کا ورنجیں کریندا

## پنجاب

نہ ہوون دے نال  
 ہونون تاں ہر حال  
 تیڈا ساڑا ذکر  
 تیڈی ساڑی گالھ  
 وڈے ویلے دے پھل  
 پھلاں تے پنجاب  
 (دوسٹ جاوید اختر بھٹی سانگے)

## مور

راتیں بند راج  
 خاب ڈھم  
 کیوں ڈساواں  
 من اپنے دی مٹھاچ ولدا  
 کتنے رنگ ان  
 اچ تیں اکھنیں ڈٹھے  
 (دوسٹ ڈاکٹر زبیر شاہین سانگے)

## بُلبل

بھانویں آکھوں  
 جتھاں ہوون  
 شام سو یلے  
 تیلیاں نال پچھانواں بن کے  
 نال بہار دے  
 موئڈھیاں تے آن لاہندن  
 یارتاں بُلبل ہوندن  
 (دوسٹ ایاز عباس کو سانگے)

## مقتولہ ہلی کیتے ہک نظم

کیرٹے، مکوڑے  
 نت مردے ھن  
 پچھلی رات ندرای ندرائچ  
 گھرا پنے دی  
 ہلی مار پیٹھے ہیں  
 اندروں ہات وہات ہیں  
 پاہروں تار پیٹھے ہیں  
 سوگوار پیٹھے ہیں  
 رات کیوں گزردی نہیں  
 توں ڈس ڈ تو  
 (دوست ڈ تو فقیر سانگے)

## سپیشل پرسن

جنتی،

دوزخی،

کوچھیں ہوندے

ڈوہتھ،

ڈوپیر،

ڈواکھیں،

ڈوکن،

جیڑھے اینویں نئیں ہوندے

اوخاص ہوندے

(دوست زیبی بھٹے سانگے)

## حیاتی

من اپنا من تارا  
 تارم تار حیاتی  
 درشن ہو یا سئین دا  
 تھی سرشار حیاتی  
 ہرو یلے سنگ متراں  
 باغ بہار حیاتی  
 پھلاں دی کار حیاتی  
 (دost ندیم زیری سانگ)

## خوشبو

تین نئیں ڈھنھی  
 میں نئیں ڈھنھی  
 کہیں نئیں ڈھنھی  
 وہ وی آندی ہے  
 بھانویں ساکوں  
 نظر نئیں آندی  
 پھل اچ راہندی اے  
 ول وی آندی ہے  
 (دوسٹ فدا حسین سانگے)

## پینگھ

اے وی اینویں اہدا ھے  
 او وی اینویں اہدا ھے  
 ساڑا کوئی قصور نہیں  
 باغاں وچوں باغبان  
 میٹھے پول ڈیندے ھن  
 شنگریاں گھول ڈیندے ھن  
 خوشی تھوڑی منگوں تاں  
 درد تول ڈیندے ھن  
 اپنا حصہ جھوٹ کے  
 پینگھ کھول ڈیندے ھن  
 (دost راجھا جوگی سانگے)

## چنگی گالہ

پڑھدے رہوں

لکھدے رہوں

سکھدے رہوں

کنڈنہ کروں

کہ ڈو جھے دو مونہہ کر بھوں

چنگی گالھاے

(دوست حسین قیصرانی سانگے)

## کالہ میرو

بھانویں ساکوں عشق دی  
 کوئی گلی وی نہی لگدی  
 وَت وی تیڈے شہر دی  
 گلی گلی یاد اے  
 ڈینخ کملا یاد اے  
 رات کملي یاد اے  
 ویرانہ آباد اے  
 (پروفیسر ملک امیر سانگ)

## سِک

اکھیں پُسا کے نہ اے کہیں جاہ تھکنی اے  
 پیر پُسا کے نہ اے کہیں جاہ تھکنی اے  
 من اپنے دی مُندری جتنی سِک اپنی  
 پُھل بنا کے نال ہمیشان رکھنی اے  
 (دوسٹ شان عباس جوگی سانگے)

## چند میڈی ماہی وچ

گھل پوے ڈکھن  
 نت ہووے ڈکھن  
 ڈکھن دی میں ڈکھنی  
 رکھی روٹی مکھنی  
 مکھن رکھا گئی وچ

چند میڈی ماہی وچ

(دوست شوکت شوری سانگے)

## کیہلٹی

دریا اپنا چھوڑ کے  
 کانہیں، کانباں چھوڑ کے  
 ولیے ہتھوں اپنے نال  
 دنیا اپنی ولپٹنی  
 ساحل نال سادھو نال  
 پیار والے جادو نال  
 گرے تے پڑی ٹھیلنی  
 کیہل دی میں کیہلئنی  
 (قیصر ساحل تے رانو سانے)

## غم گسار

کتنا یک شماراے  
 کتنی بے شماری اے  
 تیڈ اسادِ غم کیا اے  
 غم دی غمگساری اے  
 غمگسار تھی گئے ہیں  
 بے شمار تھی گئے ہیں  
 (بُو خان سانگے)

## ڻڈاڻا موتى

دورتئيں اپنے نال  
 نيل گول انڌارا ہے  
 سو جھلے توں ماورا  
 مطمئن اُداسي ہے  
 سُدھنئیں پوندی  
 مٹھاپنی دا  
 اپنے نال ڻڈاڻا موتى  
 کيکوں ڏيوں  
 نال کوئي ہووے تاں  
 بالي کوئي ہووے تاں  
 (دوست اميرزاده ہوت سانگ)